

夜伏兵而曉出采樵者近甲斐壘甲斐兵出追之陷伏皆死諸隊
隨出乃大戰終日十七合迭有勝敗信玄潛下令張鉅犀川而渡
伏旗幟徑蘆葦中直襲謙信麾下信玄與數十騎走有一騎
美定行等以手兵橫擊破之擠之於河信玄與數十騎走有一騎
黃襖騎馬以白布裹面拔大刀來呼曰信玄何在信玄躍馬亂河
將逃騎亦亂河罵曰豎子在此乎舉刀擊之信玄不暇拔刀以所
持麾扇扞之扇折又擊斫其肩甲斐從士欲救之水駛不可近隊
將原大隅槍刺其騎不中舉槍打之中馬首馬驚跳入湍中信玄
纔免武田信繁聞信玄危返之呼騎索戰死之是日兩軍死傷
大當而信玄被創夜收兵退後獲越後捕虜言嚮騎乃謙信也
乃移書讓之曰臣父氏網與先公結婚姻竭心翼戴莫有貳心以
御弓氏之強武氏網密旨不日滅之遠近稱其勤勞而未幾何
將見誅其子孫臣未知其說河越之役憲政促君之親臨也臣乃
政臣又白曰苟宥城兵死則援君已聽之矣而又惑於讒臣翻援憲
事如此其曲其直天將鑒之氏康不復能戴君矣二十三年十月
將兵攻陷古河城執晴氏放之波多野已而釋之老於關宿立其
子義氏居於鎌倉葛西谷

明史日本傳三十三年正月自太倉掠蘇州攻松江復趨江北薄

通泰四月格嘉善被崇朝復縛麻州人懷德系不前用采江東

改撫大同以李天寵代又命兵部尙書張經總督軍務乃大徵兵

四方協力進剿是時倭以川沙窪柘林爲巢抄掠四出

籌海圖編顯自上年入寇上海而去爲官兵追迫登據崇明之南

沙官兵圍守且半載賊屢敗值歲暮守者懈顯得遁至黃窪入攻

嘉定縣城又分掠南翔等鎮參將湯克寬擊敗之賊攻上海縣蕭

顯自嘉定循海而南攻圍上海甚急時城初築未固勢且陷官民

洶洶兵備僉事任環統民兵三百僧兵八十往援時賊船泊黃浦

者以百計而自吳淞江南行者不計焉環追襲之於五里橋賊敗

南奔環追敗之於書家墳賊始懼適浙江都御史王忬遣都指揮

盧鏜來擊賊乃解圍而南賊復據南沙參將解明道擊走之二月

蕭顯據史家濱爲巢盧鏜進擣大敗之賊死者無算乃遁往浙江

海寧縣鐘復追敗之其別艘之在歸家港者任環亦敗之三月賊
攻南匯所入吳淞江賊酋劉三率黨二百餘人登岸劫掠參將湯
克寬督兵民力戰賊不能支奔匿舟中官兵兩岸夾攻礮石交下
擒斬無遺賊攻松江府賊自曹涇而來副千戶童元巡檢李叢祿
禦之於蕭塘力戰而死賊遂渡浦政府城殺縣丞劉東陽僉事任
環參將湯克寬擊敗之賊乃退走大門墩四月賊首汪直與徐碧
溪吳德宣等營柘林爲巢窟聯絡連二百里如老鸛嘴七八團之
間皆其部落之所屯聚也間分一支自青浦白鶴港而北出太倉
分一支自劉家河入趨崑山賊首蕭顯自正月復據南沙爲官兵
擊走至是突入劉家河州判金汝舟指揮江統率舟師擊敗之斬
首百餘級賊攻嘉定縣攻太倉州松江之賊出青魚涇遇賊艘自
劉家河入者六十餘艘合攻州城王環督土民發飛礮流矢湯復
甚勇又繼取死二山城力戰賊則而云則取具山果自劉家河
越太倉至崑山知縣祝乾壽莅任甫一月間報即督官兵死守賊
攻圍甚急蘇州路絕乾壽夜募敢死士持蠟書浮水而行八晝夜
始達郡城巡撫屠大山巡按孫慎遣都指揮梁鳳應援鳳竟不進
生員龔良相涕泣請兵於孫慎始知鳳逗遛之罪遣良相監督以
行鳳大怒欲殺良相良相不爲動促之益力鳳不得已至九里橋
望賊即潰而西遺火器二船於賊伴報賊已遁去人皆信之賊得
火器攻城益急至有登陴者有穴城門下者乾壽與鄉宦朱隆禧
等分門捍禦而令生員張光紹潘蔚卿陳淮郭龍韜等嚴督士民
竭力禦之城賴以全時賊欲據崑山爲巢故蘇州各縣皆被攻圍
而攻崑山尤急以崑山爲蘇郡州縣適中之地得此爲巢則沿海
諸邑聲援俱絕進可以蠶食蘇常諸郡退可以拒援兵也總兵俞

大猷敗賊於吳淞所賊船入吳淞江者十六艘大猷擊敗之沈其舟十一斬首二百五十有四賊至夾浦官兵戰於陳湖斬首十八級生擒二酋賊攻蘇州府賊首阿八王自崑山分艘進掠府城參政翁大立提兵禦之賊乃遁遁賊酋劉鑒入白茆港據梅李爲巢賊攻常熟縣劉鑒自梅李進攻越四日又合福山賊進攻縣城賊攻上海縣賊攻松江府僉事任環總兵湯克寬擊敗之五月賊攻蘇州府賊解蘇州圍而去州同張魁千戶田應山等追擊大敗之於雷暉門殲其渠魁二大王賊大懼圖歸而各縣之圍皆解遁出劉家河者數百艘太倉州同知張魁與應山等追擊大敗之斬首四百四十有奇賊犯平望吳江知縣楊芷擊敗之六月犯蘇州府城賊自松江來分作三屯夜由太倉山進而進於備倉黃浦到禦之於真義弗利百戶劉愛臣死焉賊遂進至府城焚掠諸市鎮而去取道於行春橋由鮎魚口出太湖過吳江知縣楊芷舉人周大章率舟師追擊於王江涇爛溪鶯湖等處皆勝之賊由菜花涇過嘉善而去賊攻太倉州時府同知李敏德在州督兵戰於西關水次倉賊敗而走官兵追擊大敗之七月賊攻南匯所賊首徐海巢柘林八月賊攻嘉定縣賊首汪直分遣其酋吳德宣徐碧溪自綵綯港率眾千餘人攻縣城賊屯老鶴嘴參將許國李逢時敗賊於師家濱汪直知官兵將搗其巢乃進營於師家濱列七星陣以待官兵擊之大敗而去既而又進攻之賊固守其舟時二將所統者皆北兵不知地利屯所遇潮死者甚眾無何賊由原港出海水兵追戰於老鶴嘴之四馬洪大敗之賊攻青村南匯所金山衛蔡

廟港賊併入柘林賊巢合攻青村所繼至之賊登周公墩者千餘
攻南匯所旋亦入巢與新至之倭合攻金山衛皆爲官軍敵退十
二月賊陷青村所先是賊攻所城者數次官兵守備極嚴賊皆負
傷而走積忿詣柘林借兵二千來攻弗克賊亦計窮欲去會守門
百戶之伯有爲賊所擄者賊令叩南門呼姪求入姪聞伯音以繩
下挽昏黑之際賊乘隙以登百戶首先被殺賊遂入城焚殺比他
地尤慘

籌海圖編是年三月浙江賊至三嶽山都指揮劉恩至與指揮張
四維督舟師進攻勝之尋與指揮潘亨會兵再戰又勝之賊乃由
赭山遁去歷曹娥三江滙海餘杭直走定海之王家團鎮撫彭應
時與賊戰於乍浦死之賊首蕭顯結倭人連艘入寇首犯直隸之

上海盤據南少劫邑收賊虎再劫處月於要距賊至三月事彼有
遵海而南都御史王忬命官兵討伐

敗走顯復統百餘梟銳南奔官兵乘之逐於三江對於龍山圍於
定海困於慈溪分道夾攻賊遂就滅賊據普陀山分蹤流劫內地
參將盧鏜邀擊於石墩洋大破之先是賊入寇歸棲普陀爲息肩
之地官兵守之既浹旬將搗其巢先一日遣諜覘之傍無一舟至
是四合鼓噪而前值他島賊自彼來精悍異常遂合攻官兵官兵
腹背受敵輒敗衄亡者什六因罷歸賊以先所得貨滿貯新舟令
其半先歸而畱其驍悍者入掠由是海鹽龍王塘乍浦長沙灣嘉
興嘉善皆被其害而石墩洋之捷僅斬賊二百餘級元四月參將
俞大猷與賊戰於普陀山武舉應襲火斌黎俊民魏本康阜死之
賊據李家壘義士朱汀與戰死之賊自金山張堰而來至平湖縣
廣陳新倉參將盧鏜迎擊賊遂敗走五月賊攻嘉興府賊久盤據

海寧縣之石墩爲巢至是出洋盧鏜追敗之俘斬二百有奇六月賊犯金鄉指揮王希禹陳區擊敗之九月浙西之賊分掠浙東蕭山臨山瀝海上虞諸處攻嘉興府官兵追之與戰於孟家堰等處指揮李元律千戶薛綱宋應蘭等死之賊犯嘉善參將張欽等擊敗之賊至百家山百戶趙軒梁瑜死之寇沈家河都指揮周應禎死之十月百戶張曜禦賊於湖頭死之賊自霓嶼登劫突至溫州之湖頭曜統兵禦之敗績乃力戰而死賊尋至東陽南午嶺巡檢朱純死之賊自湖頭之敗走樂清越盤石嶺趨台州黃巖縣仙居遂至南午嶺純統鄉兵邀擊之力戰而死指揮戴祀江九山一戶崔海鎮撫劉彧百戶易坎與賊戰於芙蓉海口死之賊攻觀海衛攻乍浦所遂分掠平湖嘉興賊自金山而來攻所城不克乃分掠平湖嘉興等處復到石林十一州賊自石林即來渡嘉善入縣治又起嘉興府而西流劫湖州諸縣二月賊自嘉善入嘉善縣治百戶賴榮華統福兵禦之乘勝逐北賊豫伏烏銃手以待兵潰榮華死焉翼日城焚自是而後賊入縣治者凡十有七次無城故也又是年五月廣東海寇何亞八等引倭入寇提督侍郎鮑象賢總兵定西侯蔣傳討平之先是亞八與鄭宗興等潛從佛大坭國引番舶於沿海劫殺逸往福建收叛亡數千人與陳老沈老王明汪直徐銓方武等流劫浙福復回廣東鮑象賢遣副使汪柏指揮王沛黑孟陽督兵捕之及於廣海三州環生擒亞八等賊一百一十九名斬首二十六級餘黨脫逃徐銓方武等又自福建流突潮州爲黑孟陽所破徐銓授首分巡兵備等官兵於潮州柘林等海洋擒斬一千二百有奇亞八宗興武與陳時傑等俱斬於市海島遂平又是年二月賊犯福建仙遊縣官兵擊敗之

江南經略嘉定縣先是除夕任環以賀聖節還郡官軍守備少懈賊乘閒於歲旦渡海而西泊舟施家港初五日薄嘉定縣城知縣萬思謙董眾築城甫畢工賊至遂不能拔因轉掠南翔廣福屯據海上官軍與戰輒不利賊益猖獗浙江提督都御史王忬太倉人也遣兵赴援參將盧鏜率舟師從海道至賊誤以爲黨喜而出迎近視之乃官軍也大驚而退時任環以同知陞兵備僉事相議出師會勦鏜知環兵不可用謝卻之獨將其軍以進賊衝鋒而前堅壁不動明日復如之又明日賊出行劫弱視盧師故也鏜命二舟載薪與賊相近以舉火爲約度賊歸路設伏兵以待之薄暮賊歸官軍迎擊之已而火起伏兵盡合前後夾攻賊大敗斬獲過半餘眾南走鏜慮軍士貪戀財帛追之不力命盡焚其舟追之青村所戒賊人戒官軍圍之曾天大雨復乘間竄遁至是環屢征賊不用命者勦於軍門先是賊五百餘人歸環走是環屢征賊至海上六月初一日由嘉定縣趨蘇州府城大肆焚劫又南由吳江縣抵松江府復還海上因巡船邏擊不敢出襲時調來狼兵不滿百人每與賊遇賊輒披靡偶以二十人當賊二百人爲賊所圍力戰得出殺賊五十餘人狼兵死六人其間二人尤驍勇賊至劉家營單騎追之賊知其爲狼兵也匿二賊於廁中從後擊其首遂斃自是狼兵少怯八月命兵部尙書張經總督軍務初經提督兩廣威名甚盛至是遂膺簡命以兵部尙書兼提督參將李逢時許國參政許天倫副使周臣兵部郎中盛唐譚綸俱聽節制率青徐兵六千人抵海上賊聞大兵至佯西上逆戰官軍出戰賊退走明日復如之青徐兵俱召募惡少李許二參將皆世胄子不諳兵法不識地利各務僥倖成功黎明出師申刻渡河而東其半猶未渡

賊匿舟中無一人哨者須臾湖漲一人騰躍而上餘眾四起官軍遂亂蹂踐沒溺刺殺而死者二千餘人資糧器械悉爲賊有所喪多矣二參將懼誅遂多殺平民之寡髮者以冒擒獲是時賊雖倖勝然不敢出海移舟老鸛嘴據爲巢穴吳江縣是年五月賊眾五十二人由湖州之烏鎮突入爛溪至平望欲迫吳江縣城知縣楊芷令沿塘舉火賊見有備遂奔錢田本邑兵圍之困賊三日會夜大雨收兵賊乘閒奪湖州兵船以遁屠戮甚慘芷射書賊營賊亦款荅有不敢相犯之語抵夜芷列幟焚之賊見燒營由黎里走泖湖既而復有賊自松江來至東蕭浙江兵禦之弗利遂進掠黎里同里等村芷親率水兵船躡之與嘉興兵會擊於王江涇擒斬三十二人六月十一日賊眾三千餘人掠郡城擄舟十二滿載而出將歸石林懼東北兵阻乃出石湖趨吳江和涇賜死任道司教道生員吳諱率輕舸由瓜涇港遊單埠湖九和涇賜死任道司教道以鉤鎖搏之斬首十有六級生擒三十六人賊懼登火燒橋四望芷以賊眾我寡恐夜襲城馳入縣明日賊由支河過來浦進迫縣城會增築城垣工匠兵船蟻集賊度不能攻乃燒倉廩掠民財而返十四日賊餌水兵由平望而去所過焚掠以哨兵躡之斬首六級常熟縣是年賊酋劉鑑欲攻常熟縣城先遣其徒僞充乞丐以覘虛實官兵擒之因而戒嚴四月二十二日劉鑑自梅李進攻縣之大東門值兵備僉事任環在縣與知縣王鈇出兵禦之賊大敗而去天晚恐賊有伏我兵不敢追但屯城麓備不虞夜漏下二十刻賊果至見官兵大驚而走二十四日劉鑑復攻大東門俄而攻小東門復轉而攻北旱門與北水門鈇皆隨賊所至敵而卻之賊死於矢石者甚眾二十六日劉鑑復糾合福山之賊分門攻圍日

夜塵戰不絕鈇多方捍禦城得不破崑山縣是年四月賊入劉家河逼縣城賊舟入劉家河者六十餘艘其先鋒百餘人駕三舸揚帆而入時都司梁鳳移軍裔子賊吶喊試之梁兵從鹽鐵塘走常熟賊知我兵怯肆志無忌直抵東郊新洋江泊焉自是來者接踵焚劫屠戮沿城民廬一朝丘墟矣兵備任環自太倉調遣沙兵二千來援賊盜充斥州縣路絕沙兵從閒道紆回而行不能遽達賊偵知之以數舟張幟使人佯報曰任爺救兵至矣速開門納之守城民夫見之踊躍欲出識者曰此計也安有官軍近賊而賊舟不震動者賊計不行後二日沙兵始至賊至三日不犯城郭人皆疑之十六日諸生有夙興者望見馬鞍山嶺有白衣人二皆以白扇指揮意其爲奸細也遣人徧索之弗得卒之籠殼洞中執而訊之曰未至時先遣計久伏城內喇喇也朝敵欲誘我兵亦賊乘間而入因天雨改紆今夕白者吾喇喇也朝敵欲誘我兵亦賊乘間而入人悉繫獄慮有枉也命獄卒善護之惟慎其防又令城市各甲相覺察城夫不得離信地顧私室違者治以軍法是夕奸細放火受縛者八人始知擒者非盡奸細奸細或伏橋下或棲樹杪或隱菴刹或潛林墓夜聚曉散其蹤無常西倉腳夫五十人自相盟誓分伏要路俟賊奇行者擒之得劇賊一人乾壽百方誘之終不言支解以徇旣而得賊流矢其翎細書云陸成已殺阿荒仔細乃復大索之數日得阿荒於濠間蓋卽縣傍屠狗者也其來已三年善伏楣梁間人不見飛簷走脊特其未技縣令祝乾壽嚴督士民備禦民各一堞十堞一長五長一生措置秩然十七日賊負雲梯數十乘攻北東東南三門勢甚危迫時有登梯者城夫以長腳鑽禦之貫頭顱猶忍痛上他賊以燕尾箭截城夫三指城夫亦弗言痛持

鑽如故一時躡梯之賊遂皆奪氣下匿墳菴將復攻擊乾壽使勇夫奪其梯火其廬賊乃遁去備倭都司梁鳳提兵而東鳳逗遛下雉瀆不敢進諸生季龍伯徐倬深夜縋城出上書於鳳持諍甚力鳳不爲動縣學生龔良相時寓郡城憇入察院孫慎盛怒良相叩首泣謝曰蘇州東南之重郡也崑山蘇州之重邑也崑山被圍兵餉俱乏數十萬生靈之存亡懸於救兵之遲速若救兵不至城必陷矣城陷則不惟國家二百年以來數十萬忠孝之民死於無辜而賊據爲巢進攻蘇州蘇州其不危矣乎天下財賦蘇州第一乃朝廷命脈之所繫也公縱不能爲崑山惜獨不爲朝廷計良相桑梓之地知救祖宗墳墓爲重冒威犯罪誠甘心焉慎大感動稱羨而慰之曰子之言過矣吾兵已發事已濟子未知之耳良相力辨鳳影射不忠乞憲牌督戰頃日編地皆賊執贖牌督戰用復解鳳兵灌於近地可及也請以身往徇遂與賊相擊賊敗而復解鳳而出獨行十里杳無人聲惟血膏荒野而已追至鳳所以憲牌示之促之益力鳳不得已令良相先行瞰賊良相冒死馳至真義不見一賊也伏叢莽間覘一鄉人出行訊之賊已回新洋江還報鳳鳳大驚卽與俱東會有憲牌召良相良相還郡城二十四日鳳軍九里橋乾壽令義官張國維迎之不荅適有賊醉臥民舍鳳軍遇之擒斬數級抵暮屯兵真義爲賊所襲望風卽潰而西火器二船盡爲賊有賊得火器糾合精銳益肆力攻圍燕尾鏃佛狼機鉛錫大銃一時合發殺人高擲其顛於城上小兒貫槩盤舞以爲戲吹螺鼓譟聲震山谷守者望之無不色土縣令祝乾壽微服乘城鼓衆作氣躬率丁壯守埤老弱運瓦石揚飛沙晝夜力守不怠又與鄉宦朱隆禧王任用孫雲舉人歸有光丁允亨秦霽等等畫便宜

鼓勵監生吳謙生員張光紹潘蔚卿晉日亨陳淮柴秩柴輔元武
舉郭龍韜等擐甲跨馬與賊接戰屢有斬獲且糾率士民悉力捍
禦城得不破五月賊糾諸縣精悍者凡七千人薄東關蟬集城下
攻圍甚急期於必破乾壽鼓眾出城死鬪焚毀其舟賊遂轉向西
關有驍賊數輩伐竹爲龕覆以沃被械其中而運之潛伏其內餘
各擁門爲盾列左右翼而進城上用機鏃火礮擊之舉不能入賊
旋向城關盡攜去壘石闔龕於楯鎚斲聲動地城不下者僅一板
角聲震天與婦女號慟聲相聞乾壽衣短後手執金鉦鼓之莫可
誰何顧見一老父指謂曰亟啟麗譙之木沸桐油雜廁穢熱沃之
賊可擒也乾壽如教啟板熱油垂而灌之一賊方欠伸遽引之起
則其渠魁二大王也縛置旗竿上射殺之令丁壯雜噉其肉頃刻
殆盡賊遂雷號禽亂而潰乾壽循城閱視小憩上神祠見其像則
所見西關老父也遂止其事列祀春秋是爲有唐將軍西河

不數武蓋有將軍墓焉時皆謂乾壽至誠感神所致

乙三十四弘治元年四裔編年表改元自本外史十一武田氏上杉
卯四木曾義高以女妻之二年信玄取伊奈郡於是盡定信濃以高坂
昌宣守貝津城以備謙信謙信爲武田氏強敵第一諸將因榮昌
宣也三月信玄謙信復對壘河中以本軍夾擊必大得志乃令信
兵繞出越後軍後鼓譟逼之而以本軍夾擊必大得志乃令信
客將保科彈正等以兵六千夜度戶神山時月黑迷失道不能達
謙信見甲斐軍夜襲人馬有聲也潛起擐甲傳令舉八千騎出五
鼓詣信玄牙營會天大霧謙信自霧中直斫營而入營驚潰斬山
本晴行等六將而天明矣客將兵達上杉氏營營無隻騎顧聞河
中戰聲如雷則還渡筑摩河出北軍後甲斐軍望見乃返夾擊北
軍北軍敗走追逼之犀川北軍輪轉返戰包追兵將塵之甲斐後
軍橫擊救之北軍乃倒隊而退宇佐美定行植藏渡口護之盡濟
甲斐兵疲不復追擊八月謙信復出河使村上義清等營舊戰
處而自進逼河背水陣信玄知其志在必死不敢出戰其候騎報
曰北軍積薪如山信玄令諸將曰敵中夜有大舉慎勿進擊信玄
者族及暮候騎又報曰北軍掃營荷擔將去諸將爭請追擊信玄
曰謙信豈迫暮掃營者擊之必敗其夜北軍火起甲斐軍不動天
明望見北軍疏行首嚴陣而待諸將乃服信玄謀設伏兩山
間挑戰佯敗誘敵入山瞰射殲之乃夜設伏而明縱馬入北軍中

出輕卒追之謙信不出信立慮兵老有變乘夜退入上野原謙信
舉軍追擊信立返戰殺傷相當交收兵歸甲斐越後兵連不解兩
國士民患之皆願講和今川義元為周旋冬十二月陶晴賢伐毛
之謙信將有事於關東及越中於是和成

利元就於嚴島敗死日本外史十二毛利氏二十一年秋元就攻

尼子氏元就攻之至泉橋尼子國久將數萬騎來救隆貫元春以
部兵二千擊走之會霖兩川漲國久隆貫退入山內元就亦歸備

中人三村家親來屬二十二年以家親為鄉導攻穗田為資降之
初我將井上元兼以豪宗不奉法令竊言曰主公欲誅陶氏陶氏

嘗救我恩可背乎元就以計族誅之於是會諸族屬議討晴賢之
計隆景進曰宜請之天子仗大義討之則人心所嚮無不克矣元

就曰善乃上書曰太宰大貳義隆承父祖遺業存心於王室而為
賊臣晴賢者所執臣元就奮微力圖討伐未得成其功伏冀得討

晴賢一行詔糾合徒屬以靖西陲初朝廷聞晴賢作難命將軍管
領西伐莫敢奉詔及元就書至即制可之元就得詔感喜移書遠

近津和城主吉見正賴世與陶氏警首應之晴賢怒攻津和元就
遣兵援之二十三年五月元就與諸子將兵西出取銀山草津櫻

尾諸城遇陶氏兵於折敷畑擊破之陶氏骨鯁將有江良興房守
號珀城元就縱反間言與房送款晴賢族誅興房遂撤周防長門

豐前筑後石見發兵東下元就聞之與諸子密謀曰彼兵不下三
萬必首攻櫻尾草津我悉眾援之不過五千人勢力懸絕與戰平

地不可克也為今計者宜城嚴島誘而覺之引治元年五月城於
草津櫻尾仁保諸城互為策應既而聲言吾悔不聽老將言嚴島

地形難守難援即為敵有諸城從陷吾計莫失於此九月晴賢留
其子長房於若山而自統騎卒三萬戰艦千餘艘至岩國議戰所

一攻櫻尾一備其援路彼不敢出則與之相持而遣輕兵擣吉
田彼進退失據不血刃而可取晴賢曰吾欲先取嚴島城將屏

策也隆包曰彼真悔之必不宣言與已斐新里相識元就令
豫未決故櫻尾城主降在賊軍中與已斐新里相識元就令

貽書指陳順逆暴晴賢罪惡極其醜詆晴賢覽之大怒元就
嚴島十月建身塔岡燒民舍布陣舟艦櫛比喊聲震海城兵嬰壁

為守賊有鳥銃七口櫓楫不支積土豚扞之晴賢遣書元就曰公
堅守元就欲見加誅不將士皆懼色元就笑曰使賊所言信則

來乎元就聚將士示之地迫狹彼側肩躡足不便進退兵愈眾而
鋒愈鈍我以死士數千衝之克可必也乃使去戶隆家雷守吉田

而自率精兵三千餘人南行至草津與晴賢隔海而陣國內諸豪
意其必敗多稱病不從初伊豫有能島來島二族問城中消息賊

就並招之二族以三百艘來屬元就移陣大立山晦日盡返
四盤地道樓櫓殆覆以大索維持之元就移陣大立山晦日盡返

老弱輜重於草津壘不絕賊望見以為我收兵也於是元就令
諸將士人以二條布約袖佩一日糧約暗號比暮上船會大風雨

諸將士人以二條布約袖佩一日糧約暗號比暮上船會大風雨

士卒震怖請候風定元就曰天助我也令皆滅篝火揭一燈於牙
船諸軍認之破浪而渡既濟返舟北岸以示必死遂上博尾礮直
出塔岡背陸景別率伊豫船兵出其面賊恃風雨無警邏者穿賊
艦而入賊或誰何浦宗勝大聲答曰筑前兵應徵來矣辟船而達
稍稍上岸兩隊皆陣天將明矣元就命吹螺鼓噪乘高下擊賊諸
軍大驚爭萃其牙營營填咽自相擊刺元就大呼自進諸將士破
柵而入賊兵終大潰晴賢咄嗟退走者不能退也賊爭舟而遁溺
死數千人晴賢肥夫不便行步從者扶掖至海岸求舟不復覩一
隻遂自殺隆包以殘兵百餘棲崑洞中元就惜其才使人說降之
不肯而死已而獲晴賢首元就嚴建旗鼓奮鞭指其首曰弒逆之
報乃嬰天誅今何如也諸軍揚凱元就甫嚴日本國志宏治元年
島十一日引兵返小瀉葬晴賢首於洞雲寺

明總督楊宜遣鄭舜功至日本肥前平戶見大友義鎮詰之曰通
好久矣何擾吾邊疆虜劉吾民果是賊民亟見禁戢義鎮以聞將
軍義輝命諸將會議大和守三淵藤賢曰方今我國所在用兵而
結怨大國甚為不便請從應安例嚴為制戢乃命能島久留島因
島諸兵檢點海舟勤捕兇奸而內亂日劇卒不能制既而胡宗憲
代宜為總督奏請遣使日本諭國王悉我海寇召還許許立勅
免罪中朝許之乃遣甯波諸生蕭洲陳可願至日本可願還言劫
盜島遇汪直毛海峯謂日本大亂諸島不相統攝須徧諭乃禁遏
及蔣洲還山口守源義長豐後守源義鎮皆遣使謝罪送還被掠
人口請頒勅合脩貢宗憲奏請禮遣其使并諭擒獻亂人及中國
奸商方許通貢詔允之宗憲已計擒陳東又招誘汪直義鎮等以
中國許互市遂裝巨舟遣其屬善妙等四十餘人隨汪直來直至
被擒而逾年新倭大至又寇浙東三郡尋犯福泉興漳蔓延於潮
廣其後又有廣東巨寇引倭為患迭經將吏擊討久而後平倭寇
與明相終始而自嘉靖二十六年至萬曆十六年四十年間沿海
州縣被禍尤酷閩巷小民至指倭相罵詈甚以噤其小兒女云今
考日本是時瓜分豆剖各君其國諸國又互相攻擊日尋干戈無
賴奸民以尙武好鬪之風流為盜賊殺掠為生上雖嚴禁令有不

明史日本傳明年正月賊奪舟犯乍浦海甯陷崇德轉掠塘棲新

市橫塘雙林等處攻德清縣五月復合新倭突犯嘉興至王江涇
乃爲經擊斬千九百餘級餘奔柘林其他倭復肆掠蘇州境延及
江陰無錫出入太湖大抵真倭十之三從倭者十之七倭戰則驅
其所掠之人爲軍鋒法嚴人皆致死而官軍素懷怯所至潰奔帝
乃遣工部侍郎趙文華督察軍情文華顛倒功罪諸軍益解體經
天寵竝被逮代以周琬胡宗憲踰月琬罷代以楊宜時賊勢蔓延
江浙無不蹂躪新倭來益眾益肆毒每自焚其舟登岸劫掠自杭
州北新關西剽淳安突徽州歙縣至績溪旌德過涇縣趨南陵遂
達蕪湖燒南岸奔太平府犯江甯鎮徑侵南京倭紅衣黃蓋整眾
犯大安德門及夾岡乃趨秣陵關而去由溧水流劫溧陽宜興聞
官兵自太湖出遂越武進抵無錫駐惠山一晝夜奔百八十餘里
抵許墅爲官軍所圍自及於易林橋戰之是役也賊不過六十
人而經行數千里殺戮戰傷者四千人凡八十餘日如滅此而
四年九月事也應天巡撫曹邦輔以捷聞文華忌其功以倭之巢
於陶宅也乃大集浙直兵與宗憲親將之又約邦輔合勦分道並
進營於松江之輒橋倭悉銳來衝遂大敗文華氣奪賊益熾十月
倭自樂清登岸流劫黃巖仙居奉化餘姚上虞被殺擄者無算至
嵎縣乃殲之亦不滿二百人顧深入三府歷五十日始平其先一
枝自山東日照流劫東安衛至淮安贛榆沐陽桃源復至清河阻
雨爲徐邳官兵所殲亦不過數十人流害千里殺戮千餘其悍如
此而文華自輒橋之敗見倭寇勢盛其自柘林移於周浦與泊於
川沙舊巢及嘉定高橋者自如他侵犯者無虛日文華乃以寇息
請還朝

籌海圖編嘉靖三十四年正月老鸛嘴賊遁走與柘林賊合嘉定

知縣楊旦募敢死士夜燬賊廠火賊舟多方撓亂三月二日乘間遁去賊攻南匯所僉事董邦政搗川沙窪賊巢破之時賊死傷者五百餘人監生喬鏗追擊復大敗之賊攻金山衛賊自嘉興流至吳江之平望分道而來一支由太湖爛溪南麻一支由張村黎里出牛場涇期會於蘇州兵備副使任環知州熊桴知縣楊芷禦之於海堰鶯脰湖皆勝之賊乃遁去以嘉善道阻復合兵由大道進至勝墩環與知府林懋舉等率狼兵自北擊之浙江副使孫宏軾總兵俞大猷率宣慰司彭翼南兵自南擊之狼兵首殪其渠魁一人賊氣阻捐資於狼兵求脫弗聽東西皆阻水官兵南北夾擊之賊遂大敗斬首三百餘級是戰也提督都御史周琬巡按御史周如斗令所在清野凡賊所向民間鑿具悉毀之而令環等扼之於前浙江巡按御史胡宗憲復督宏軾等自後追賊進不得與之不得息故有是賊賊入崇明贖賊夜斃破賊城知縣唐一舉與之巷戰身被數刃猶力戰賊敗出城一岑傷重而死居二日賊復至據縣城諸耆民相與謀曰唐父母被害而吾輩乃容賊盤據吾鄉耶於是相與勦力爲死鬪賊二百人皆就滅復至平望官兵擊敗之遁歸柘林二月賊攻青村所翁時獎等擊敗之三月賊圍上海縣賊五千餘人屯新場下沙千餘人屯閘港數千人屯川沙俱進逼縣城時總督都御史張經調集廣兵湖兵數萬人駐松江府賊乃退入舊巢完壘治兵爲拒守計而諸營連絡聲勢益盛張經欲伺其出海擊其情歸故搗巢之策卒不果行賊攻金山衛柘林新至賊乘銳來攻守者發矢石禦之賊中傷者甚眾乃解去既而又來攻總兵俞大猷擊敗之俘斬二百有奇兵備副使任環督舟師與倭賊戰於南沙野茅洪大敗之斬首百餘級四月賊攻常熟縣

江北張涇之賊由福山港入犯縣城兵備副使任環擊敗常熟三
文浦之賊先是賊屯三文浦者勢甚猖獗且易官軍不爲備環陰
部署主客官兵以保靖應襲彭守忠爲中哨太倉州耆民爲右哨
常熟知縣王鈇爲左哨躬擐甲冑激勵三軍我兵皆踴躍思奮進
攻之賊遂大敗俘斬二百八十有奇而我兵不損一人自用兵以
來早戰全捷未有如此者也賊攻崇明縣城甚急署印州同張魁
千戶陳袍等悉力禦之乃退去柘林賊知官兵將搗其巢乃分兵
四出以牽制我師東掠崇明常熟以達江北西出嘉興湖州以搖
動全浙而川沙之賊先屯老鶴背者以聲援不繼俱併入柘林賊
犯吳江縣巡按御史周如斗遣兵禦於勝墩大敗之調遣宣慰彭
盡臣總兵俞大猷副使孫宏軾知府林懋舉諸道兵夾擊之斬首
三千餘級賊敗無錫縣五甸官兵擊賊於柘林口皆死之有泗州
爲副使任環所敗勢已破沮值陸涇壩敗遁之寇與之合蹤復肆
猖獗欲攻縣城鈇與泮率兵禦之賊佯爲村民避賊若依官兵爲
援者官兵方共惜之倏爾起鬪兵士驚潰鈇泮猶督戰不已遂皆
遇害遊擊將軍周藩與賊戰於朱涇死之賊復巢柘林賊自王江
涇之敗皆遁出海新賊萬人復來據之未幾風雨大作出海之賊
覆溺幾盡其餘黨復巢焉賊掠浙江取道蘇州出海至平望浙直
官兵會擊大敗之先是永保兵失利賊遂肆意攻劫一西北入太
湖犯常州一西南犯嘉杭湖至塘棲二宣慰復失利賊掠北關去
欲由蘇州出海道由吳江之平望浙江巡按御史胡宗憲副使董
士弘僉事王詢以浙兵至副使任環知府林懋舉以直隸兵至夾
擊之賊遂大敗犯松江府官兵擊敗之六月攻蘇州府賊自柘林

取道崑山而來遂犯郡城掠太湖洞庭兩山兵備副使任環復敗
三丈浦之賊賊既殺王知縣勢甚滋蔓而太湖之賊復與之合益
驕肆無忌環率官兵進攻大敗之殺其白眉主帥一人賊乃大懼
呼環爲拌命官人數遷徙避之常熟三丈浦賊出海太倉知州熊
桴敗之於登舟沙時賊爲副使任環所撓遁出海至登舟沙桴與
把總楊尙英州判張大倫圍而攻之賊死無算俘斬一百三十有
奇餘賊南遁至吳淞江口復爲把總劉堂所敗其酋急速如郎就
擒斬首二百六十餘級副使任環及總兵俞大猷以舟師擊倭船
於馬蹟山大破之擒斬一百五十餘名顆副使王崇古敗倭於靖
江賊至平望官兵擊敗之七月時巢賊甚熾松江府知府方廉遣
謀投毒井中賊死者千餘人斬首數百級浙江提督都御史胡宗
憲遣參將盧鏜都指揮王市收賊於列家河金山洋三處賊火自
江涇陸涇壩平望數敗之後勢甚窮蹙參將盧鏜都指揮王市
往撓之賊死傷及疾疫者過半乃潛伏巢穴不敢出掠爲遁歸之
計既而官兵邀擊遂沈舟破釜示無去志然實覲官兵不備之於
海而得走也胡宗憲謀知之預遣浦等率舟師伏海口伺之賊果
遁去浦等追敗之於金山洋悉沈其舟賊溺死無遺柘林賊改屯
陶宅賊出海復爲總兵俞大猷參將盧鏜把總婁宇所敗乃復登
陸結巢陶宅其一艘飄泊海門則賊酋林碧川爲之首與其下一
百二十餘賊復登大陳山爲把總任錦俘斬無遺八月劇賊五十
三人流犯蘇州提督都御史曹邦輔討平之倭賊自象山登岸流
突南京焚安定門殺一把總一指揮走無錫而南曹邦輔引兵馳
護孝陵因追及蘇州之澹墅賊騎蹇益甚邦輔親督副使王崇古
僉事董邦政把總婁宇及指揮張大綱武生車梁躡賊所向爲正

兵 府林懋舉知縣康世耀各領兵屯吳林廟之左爲援兵陳淮
兵沙兵分哨爲奇兵復調水兵於太湖濱令山東巡檢領船
數 爲遊兵賊至吳林廟我兵擒斬二十七人餘走楊山迤至橫
涇前馬橋匿民舍我兵圍而火攻之賊潰出遁伏田禾中爲我兵
所覺遂俘斬之無一人得脫者七丁港吳淞江賊遁出海洋把總
高 英追擊敗之沈其舟六十艘俘斬三百有奇九月浙直官兵
會擊陶宅之寇指揮邵昇姚泓生員于岳皆死之昇等乘勝進攻
賊 守其巢乘高刺下三人死焉總督都御史楊宜遣遊擊將軍
曹 勅統川兵攻賊大敗之燬其巢賊遁至吳淞所副使任環督
舟 擊之斬獲大半餘黨遁走清水窪十月陶宅賊犯上海閘
僉事焦希程監督川兵與遊擊將軍曹克新乘雪夜襲之
則 賊燬焉周浦賊亂四浦決臣詠傲之斬首紅甲在才爾會與
夾擊至老鸛背大敗之俘斬一百七十有奇

籌海圖編是年正月賊首徐海攻浙江乍浦所自柘林而來犯海
甯縣攻平湖縣破崇德縣時築城未完賊以小舟潛從南水關入
賊至湖州橫塘官兵與戰敗績福建副理問陶一貫溫臺守備周
奎清州指揮孫勇羽林百戶陸陵元鍾百戶周應辰山東把總梁
鄂武生郭周張景安朱平姚清孫魯力戰死之勇等故青齊驍將
是役各手刃數賊以眾寡不敵遂敗沒賊犯歸安縣攻德清縣二
月攻嘉興府賊掠湖州而回復攻府城四月賊攻乍浦所不克遂
至嘉興府總督都御史張經巡按御史胡宗憲會兵進剿敗之於
王江涇賊犯瑞安縣守備劉隆千戶尹 缺死之賊犯慈溪義士魏
鏡死之犯崇丘鄉百戶劉夢祥死之賊自錢倉白沙灣入奉化仇

村經今峩突七里店甯波衛百戶葉紳與戰而死賊由甬東走甯
海崇巨鄉復折而趨鄞江橋歷小溪樟村甯海衛百戶韓綱與戰
亦死之至會稽副使許東望率知事何常明典史吳成器圍之困
於絕地幾盡斃知府劉錫縱之走由白米堰沿海塘過蕭山入富
陽趨直隸徽州等處賊攻餘姚縣五月賊犯鳴鶴鎮練長杜槐戰
死其父文明與賊戰於楓樹嶺亦死之槐團練鄉兵累立戰功至
是統土兵禦之斬賊首一人從賊三十二人槐亦戰死焉其父文
明死於楓樹嶺之戰復犯鳴鶴鎮參將盧鏜擊敗之犯平湖縣指
揮李希賢擊敗之賊酋莊良白柘林分掠平湖希賢邀擊大破之
俘斬一百二十有奇無何賊益眾攻城月餘始解賊攻乍浦所攻
爵谿所及餘姚縣賊新至即攻所城不克進攻餘姚攻三山所把
總指揮劉朝恩擊敗之特朝恩曰承完敵也按誰所
中洶洶或勸朝恩突走朝恩叱之曰我祖宗世受國恩今日正我
報效之秋豈可以事權去已而規避耶且我去則一身之利得矣
其如數萬生靈何遂以身蔽圯所督戰甚力復以木城障之時城
上矢石如雨而未有中賊者朝恩悟曰此幻術也投以生矢首發
矢即中其酋帥貫喉而斃賊驚潰走朝恩復乘勝追擊之斬賊數
十級是役也內外居民全活者三四萬人六月賊犯省城燒北關
市總督尙書張經親率官兵禦之大戰於塘棲敗績初賊敗於王
江涇精銳者多死柘林諸賊亦驚愕破膽巡按御史胡宗憲計乘
勝進擣賊巢欲令永保二兵由金山海塘而進瓦氏兵合遊擊鄒
繼芳由閔行黃浦而進狼兵攻其東苗兵攻其西海洋戰艦截其
遁歸之路必使賊無噍類以絕後患張經因蘇州等處告急竟分

永保兵以援之。三兵困於奔疲且眾寡不敵遂有是敗。賊尋走吳江之平望。浙直官兵會擊大敗之。賊從嘉善縣遁去。嚴州府推官劉泉邀擊於三店塘。後大敗之。賊既不能取道蘇州乃折而東南。從嘉善乍浦以趨舊巢。泉率鄉兵禦之於三店塘。復大破之。斬首四百六十餘級。焚溺中毒死者復千餘人。蓋不藉客兵之援而專督鄉兵之功也。浙東賊犯餘姚。鄉兵擊敗之。賊自觀海遁歸。官兵追敗之於霍山。洋賊自觀海出洋都指揮王沛把總閔溶張四維武舉鄭應麟等邀擊於霍山。海洋悉沈其舟。斬獲無遺。參將盧鏜敗賊於馬鞍山。新林復追敗於勝山。龜鼈洋八月副使孫宏軾等破賊於大陳山。舉擒賊首林碧川。碧川自柘林遁出海。爲颶風沮回泊台州之螺門。宏軾與兵備許東望參將盧鏜知府宋治都司王壽等督舟師擊之。賊敗。倭倭舟無遺。參將盧鏜敗賊於金塘。賊之九月賊巢舟山之謝浦。十月樂清賊犯甯海。主簿畢清死之。清善騎射。屢立戰功。至是禦賊於楓樹嶺。力戰而死。賊犯餘姚。監生謝志望與戰死之。十一月參將盧鏜敗賊於梁術。官兵追賊於龔山。平之。賊登犯海鹽。知縣鄭茂指揮徐行健即日討平之。賊自秦駐山登泊茂等率兵撲滅之。是戰也。賊雖止於八十有奇。然以是日登陸而官兵以是日盡殄之。則前此未之有也。生員胡夢雷與賊戰於東關。死之。儒士金應暘與賊戰於母婆嶺。死之。閏十一月賊犯平陽三港。守備劉隆千戶劉綱百戶張澄與戰死之。賊自南鹿山流入金鄉。至平陽之三港。官兵邀擊大破之。賊佯爲我兵束裝繞出陣後。而以精悍者衝其前腹背夾擊我兵。遂潰。隆等力戰死。蓋賊至嵎縣。官兵討平之。提督御史胡宗憲令副使譚綸勦之。授

以成算仍令典史吳成器爲鄉導引官兵由新昌繞出賊後期容
美田九霄兵至夾擊之百戶王世臣等又各分守要害以防賊遁
至是官兵分作五哨四面埋伏以一哨誘敵賊出戰伏兵四起
賊遂大潰走清風嶺烈女廟官兵乘勝攻之斬馘無遺賊至平陽
壘指揮祁嵩百戶劉愍等力戰死之指揮閔溶義士吳德四吳德
六與賊戰於舟山死之是年十一月福建賊攻鎮東衛官兵禦之
千戶戴洪高懷德張鑾等死之賊自莆田白湖江登犯過涵頭至
海口十三日攻衛城洪與懷德各率軍出戰張鑾遇賊於路皆沒
於行陣平海衛千戶楊一茂白仁張球追賊及於東嶽山大敗倭
眾一茂等亦戰死是年五月賊登犯山東日照縣

江南經略是年五月初八日賊犯蘇州府突至婁門次日至楓橋
分二枝一駐蘇門一駐吳淞賊勢甚熾走和兵驚潰不能
勝追至胥口次日賊入太湖與吳江水兵戰於湖中焚劫洞庭兩
山一艘爲團長徐光等阻截自黃麻門從衝山漫山而下向空湖
常州境去一艘爲耆民周瓚等所追至於獨山轉戰三四十合從
無錫境去遇官兵不得進還入太湖其在濟墅者往劄望亭十九
日分掠曹湖葑塘涇長涇黃埭二十三日太湖賊焚劫洞庭二十
六日進胥口次日由閶門常熟官塘而去其舟十四艘皆蒙氈與
涇被以防火器矢石云賊自柘林分蹤出掠至李塔匯歷張莊小
崑山趨泖湖而北保靖宣慰司彭蓋臣追之抵陸涇壩離城十里
而近巡按周如斗急邀巡撫周琬出婁門禦之而身御城樓令曰
如賊不滅敢有渡河者以失機奏請如律兵備任環帥師爲前驅
與總兵俞大猷遊擊鄒繼芳守備王桂合力禦於壩上賊敗走獲

舟三十五艘斬首二十級明日賊復合夥揚帆而前我兵用銅發
鑊燬其舟賊登岸兵備任環帥鉤刀手當其衝與賊鏖戰自辰至
申凡二十合賊遂大敗斬首八百餘級我兵不損一人蓋月之二
十二日也六月初五日賊二千餘人自崑山至婁齊葑三門焚劫
鎮撫蘇憲臣禦戰死焉次日至閶門屯洞涇橋兵備副使任環知
府林懋舉總兵解明道分帥徐穎等出城剿之斬首五十餘級生
擒二人賊奔楓橋復流劫太湖洞庭兩山八月十三日上江流賊
五十三人突至許墅先是提督都御史曹邦輔聞賊至太平震動
甯都趨護陵寢會賊從宜興無錫而南欲由常熟沿海以趨柘林
精悍異常轉戰三千餘里未嘗少衄蓋賊之梟銳善戰者邦輔聞
之星夜馳還賊已渡關矣亟調集諸道兵與官屬約曰此賊深入
內地斯過不歸掠財易歸散無乃為現乎且以五百人黃行三平
寇何以支之所不與勦力滅此賊竄縱出境者斬首以徇不爾貸
復戒守令賊滅而後進城聞者無不股栗乃分授信地申主客應
援之規以副使王崇古僉事董邦政參將婁宇率指揮張大綱武
生車梁躡賊所向遇賊先登為正兵知府林懋舉通判余元知縣
康世耀各領兵屯吳林廟之左北護郡城南扼賊衝為援兵嚴家
兵左哨沙耆民兵右哨分突衝截為奇兵度賊走太湖募水兵於
湖濱東山巡司領船數十艘往來哨探為遊兵又度賊不走太湖
必分蹤以牽制我師或棄金帛於道餌我嚴諭毋離伍毋拾遺是
夜官兵射死五賊賊自浙杭歷徽歙蕪湖諸處所向無敵至是頓
挫大驚覺曹公兵難犯從開道沿山夜行至楓橋擒二義氓欲導
出海二義氓私相謀曰此賊得至柘林蘇民無息肩之日矣不啻

生以紆民命何面目見曹公平乃故導之閭門約會城上曰吾導往絕地可速來擊之遂至寶帶橋橋斷復至郭巷三面阻水官兵圍之三市賊大忿鬻二導者十六日夜潰圍過五龍橋奔梅灣二十日奔靈巖山二十二日官兵搜伏斬首七級賊夜奔鳳凰池二十五日奔木瀆復奔前馬橋二十七日邦輔親督副使王崇古僉事董邦政知府林懋舉參將婁宇通判余元知縣康世耀合兵擊之賊殊死戰我兵憚曹公威令莫敢退縮嚴家兵父子五人當其前鋒斬賊二十七人指揮張大綱崑山生員陳淮皆戰歿於陣賊夜遁之黃墅沙掠船渡湖巡船阻之奔楊家橋匿一民舍我兵圍而火攻之賊伏田禾中官兵追之不能得武生車梁獨以兵張兩翼吶喊索之賊遂露來召官兵還擊之賊遺金帛誘我兵率陷一

絕巷中官兵圍之天飽賊人易滅無遺

望六里橋兵備參政住環伏沙兵將擊之僧兵洩其幾沙兵被害及溺死者甚眾楊芷督兵船分列於橋之東西蕩中攻斬首十五級飛礮擊死二十餘人賊所掠財寶亡失殆盡會新城隅裂城隍廟災恐賊棄舟窺城乃繞朱家橋據盛墩以扼之賊夜遁復屯柘林四月二十六日賊復從嘉興至唐家湖賊不能渡芷引兵截賊賊駭奔平望奪舟橫渡芷令泗水者鑿其舟而自屯兵截盛墩斷其隄并布釘板於水底賊不敢渡會幕府調遣宣慰彭蓋臣率兵二千來援邑兵勢合與賊戰於平望蓋臣爲先鋒斬賊首百餘級轉戰至楊家橋斬首三千餘級蓋臣被創死更盛墩名勝墩先是新城西北隅裂可四五丈賊勢方張士民駭愕爭欲棄城去守城推官何全勸搢紳出石協修而以寺丞吳滂督之一夕告竣人心

始安六月七日賊在杭州掠官船載輜重而北由烏鎮經爛溪抵平望十四日芷督水兵與賊戰斬首三十六級生擒四人十五日夜賊由黎里出分湖遁去二十三日賊由福山港突至郡城婁門入太湖泊洞庭山下芷復於湖中率兵防禦是夜賊由楓橋經婁門還福山八月十五日賊眾五千餘人自南京而下掠十七府縣至許墅十七日由楓橋直抵滅渡橋屯陳家莊官軍畢集十九日夜過五龍橋入行春橋屯跨塘橋徐文奎家轉至木瀆僉事董邦政追及於荷花池賊擾亂自殺官軍乘機殄滅之

胡松紀王江涇之捷云國家地廣治極文恬武嬉海壖姦商乘時盜賊因緣忿怒轉爲寇賊民不覲兵爲日既久望風奔潰莫之誰何賊既連得利內附外連聲應氣合徒黨滋蔓動以數千萬計又善相兵能似狐焉賊所數出才稱冀裝武甲志在奪權其勝燔燒叢萃藪窟新故環迭而兩浙三吳之禍變慘矣乙卯春柘林巢賊積增至萬餘人出掠嘉善諸處夏四月劇賊徐海麻葉等探知嘉杭兵調松江搗巢率眾數千人水陸並進聲言先攻嘉興次及杭州時故巡撫李公畱守杭州總督軍門在華亭無兵可恃軍民洶洶甚懼御史梅林胡公方巡浙東台溫諸郡得報連日夜馳詣嘉興會賊從嘉善來前驅迤邐薄城外眾益懼甚公曰在法攻謀爲上角力爲下矧又無兵乃密屬吏取酒百餘甕鑽其顛投以毒劑塞如故載兩船選兵卒機警而猛者假冠服持赤牘坐船上稱解官解酒餉軍載向賊所從道見賊卽褫去冠服走賊信不疑馳報諸酋長酋長得酒大歡相率高會痛飲率多死已又令村市酒家皆入毒甕中約償以直民所有米漬藥水浙而遣之賊往往

爭取飲啜輒又死然賊黨尙眾我兵寡且懼怯適保靖宣慰彭蓋臣所領土兵數千人至可使胡公策其恃勇犯忌使人傳語之曰賊善伏且知分合我兵常爲其誘宜分奇正左右翼擊防其衝圍蓋臣不聽乘銳直前果遇伏墮賊計挫於城南石塘灣始大悔遂有潰志遠近震駭大失望胡公深憂之曰如是我技窮矣於是親詣軍營宣諭且勞苦之曰勝負兵家常事烏足介介凡爾所以僨者以不知地利中其伏我聞賊酋多死眾絲棼無紀且久不得食息瑕可攻若等無畏顧兵多無衣與器械乃使人悉索諸質肆故衣頒給之加賜錢帛牛酒飲食召諸金木工晝夜繕造器具懸重賞苗兵感激思奮察可用乃指畫石塘地形曲折曰汝宜以兵若干爲前鋒從塘路進若干爲奇兵伏道左水兵船若干環列道右仿其逸皆後前鋒數里候賊將至某處前鋒即敗非乘其過伏伏盡起三面夾擊其不暇將至某處前鋒即敗非乘其過平望故別有苗兵營賊不知會總督張公從松江兼程來視師而承順宣慰彭翼南復從泖湖西出胡公又同督察趙公部署參將盧鏗等厲激之且躬擐甲胄徑馳馬趨出四面合圍軍聲遂大振賊大沮還走王江涇旣連疲於奔又餒且病矧無統紀遂大潰不支土兵與我軍乘之斬倭首二千餘級墮溺水死者不可勝校蓋自是嘉興杭州人始安枕軍民主客始知賊猶人非眞若鬼神雷電虎豹然不可嚮邇浸有鬪志賊亦自是稍稍顧忌逆氣狂謀漸以虧胸始可誘而圖矣嗟乎奇變決而波才破洛澗襲而淮淝捷嘉山合而博陵奔蓋自昔禍亂之興必有忠義材武韜鈴之臣以指揮擘畫救甯戡定蓋天所以奠安維極綏輯神人鴻德好生常假手乎鉅公偉人實爲之孰云其果夢夢哉武進左子好論次當

世事而謂故所收公私贖牒所載王江涇戰功洵無紀屬余詮次
余爲詮次而歸之庶後經世者有考焉

俞獻可紀平望之捷云嘉靖乙卯夏五月官兵敗賊於吳江之平
望先是永保之兵旣皆失利賊遂肆猖獗一西北入太湖犯常州
一西南犯杭嘉湖其犯杭州者至塘樓二宣慰復失利賊掠北關
去欲由蘇州入海道經吳江之平望浙直鄉兵會擊之賊腹背受
敵大敗走松江至三店我兵邀擊之斬首七百有奇中毒死者千
餘人是戰也巡按御史胡公宗憲副使董士弘僉事王詢以浙兵
至參政任環知府林懋舉以直隸兵至而三店則推官劉泉功居
多皆不精客兵之援由是而專任鄉兵之議興矣嗚呼客兵之用
豈得已哉蓋彼之狡獪不馴非素有禮義之習我之恩威未洽難

攘起猝民不知兵慮客兵之禍而徒驅民以戰如投羊於虎是畏
溺而避舟者耳故調客兵者一時之權恃客兵而忘練鄉兵者非
經遠之策調客兵而練鄉兵兵可用矣而後酌勢之緩急敵之多
寡以處客兵遣之則我無乏用之嫌留之又有以制其反噬之毒
我梅林胡公之底定東南也外立戰勳內鮮兵變今日遣客兵數
千而賊無玩心明日來客兵數千而民無懼色者用此道也彼謂
客兵必不可用又無練募之法者吾不知其終矣

又紀陸涇壩之捷云嘉靖乙卯五月松江栢林之寇千餘人流突
李塔匯歷張家莊小崑山趨泖湖而北保靖宣慰彭蓋臣兵追之
抵蘇州陸涇壩壩離城十里而近兵備副使任環督兵擊之擒其
梟帥俘斬五六百級水火死者不計屍盈阡陌婁水爲赤殘寇僅

二百人值暴雨追之不克逸歸柘林嗚呼往歲倭賊覘我無備揚帆深入視吾蘇不啻几上肉耳是捷也論者皆謂我兵有死之心無生之氣而又益以蓋臣善戰之兵其勝宜也愚謂不然戰之日愚親見之矣巡撫乘城督兵傳餐寇矢如雨自婁門以東達於陸涇壩我眾連呼戰者三日今日我任父對敵所不捐生以報者有如此日由是士氣百倍總兵俞大猷并二宣慰兵三路并進奮勇夾擊遂收全功當是時使非任公身先督戰則吾不知民之勦力者何如使戰而弗勝則鼓寇之怒其慘吾又不知何如也抑陸涇蘇之東境也前此浙江巡按御史胡公宗憲有王涇之捷後此提督都御史曹公邦輔有橫涇之捷則蘇之西境未幾任公復有常熟三丈浦之捷則蘇之北境一歲而賊四黜於蘇蓋自是而蘇無

委寇矣

南京焚安定門殺一把總一指揮走無錫而南提督都御史曹公邦輔引兵馳護孝陵因追及於蘇州之泔墅賊驕蹇益甚公與副使王崇古僉事董邦政知府林懋舉知縣康世耀把總婁宇曰此賊勢將數千勦敵我地形兵力爲彼所窺他日大舉入寇何以支之誓滅此而後入城乃分授信地申主客應援之規以崇古邦政宇率指揮張大綱武生車梁躡賊所向遇敵先登爲正兵懋舉世耀領兵屯吳林廟之左北護郡城南扼賊衝爲援兵生員陳淮等與嚴家兵沙兵分突衝截爲奇兵度賊走太湖募水兵於湖濱東山巡檢領數十艘往來探哨爲遊兵又度賊不走太湖必分蹤以牽制我師或遺金帛於道餌我嚴諭毋離伍毋拾遺士皆股栗殊死戰賊至吳林廟我兵擒斬二十七人餘走楊山迤至靈巖奪民

船由新港出太湖欲走洞庭見我兵旗幟不敢渡復登岸至橫涇前馬橋匿一民舍我兵圍而火攻之賊潰出遁伏田禾中不能得車梁捫其所殺人肉尙未寒又草露未動乃令眾大呼賊在此賊果驚出遂俘斬之無一人得脫者而大綱手刃數人力盡死淮亦戰沒於陣始賊欲寄徑常熟往附柘林之賊劫二人前數十武導之常熟在無錫之北二人給之而南且道辟行人曰賊至矣報官兵賊已陷絕地速來可盡擒也賊比敗恨二人入骨競斃割之嗚呼是賊以五十三人馳突八郡轉戰三千餘里所過皆不焚掠惟與敵者殺此其勢其志可知也已非曹公之定策羣有司之戮力蘇松之禍未已也雖然大綱淮之死敵二人之給賊固非碌碌者惜二人之姓字不傳

張漸記浚海之墟走者隋化州李守清委賊相編羅捕賊人深入紹興勢益滋蔓提督御史胡公宗憲親督兵備副使許東望容美土目田九霄同知曲入繩等兵往截之遇賊江橋僅隔一河公謂諸將曰賊見我不顧而南其氣未可乘若稍止觀望可圖也吾茲試之乃於馬上自持一幟作指揮狀賊果聚觀公笑曰此易與耳乃令兵渡河九霄邀其前入繩襲其後賊見兩兵迭至大怖而走至後梅匿民家公復大笑曰賊若乘我兵半渡迎擊勝負猶未可量也今已投死地復何能爲乃悉眾圍之三市縱火焚之死者強半值天雨公與將士立田中夜二鼓大霧咫尺莫辨賊乘黑衝典史吳成器軍成器故善戰驅兵四面奮擊之復擒斬若干然脫走者猶眾公計賊必由山西嶺而遁嶺之巔可伏也命設伏以待夜將半賊果至遂大敗之斬首及焚死者積五百二十有奇

餘奔太平蒲岐港官兵復追之賊堅壁不出乃夜逼賊壘投以霹
靂火器誰若劫營者賊驚起自相攻擊死者又若干人得脫者無
幾竟出洋去丙辰春正月也時公新膺簡命未決旬輒有奇捷如
此

徐渭紀龕山之捷云龕山之賊自溫州登岸蔓延於會稽經歷文
某與戰於苦竹嶺副使孫宏軾併軍門所調奇兵與戰於析開嶺
於翁家邨參將盧鏜與戰於斥嶺之梁衙乃敗走龔家畝百官渡
過曹娥江順流而西狡黠善鬪噬齶孔棘初總督都御史胡公宗
憲方在浙西勦川沙之賊移檄諸將竟未有能殄之者至是親提
大兵至欲斬不用命者以徇於是僉事李如桂王詢指揮楊永昌
知事何常明典史吳成器等兵併力追擊於瓜山戰三界戰母婆
嶺朱家樓城道嶺山之奇討流烏先誦州休增維影新取得即刻
盧鏜戰還公促明日再戰鏜曰士疲矣休養數日乃可公佯許諾
而密召親兵謂曰若曹叅養久未立戰功今賊將滅而諸將首鼠
不進萬一賊得脫此徑渡錢塘江柰何今日正若曹立功之會能
乘其不意而襲之賊可盡也眾皆踊躍請效死已乃檄令典史吳
成器統之以進不數里遇賊死戰無不一當十賊遂大敗循海而
走登匿山坡堡內我兵四面奮擊賊不得已登屋擲瓦礫下瓦盡
繼之以槍槍盡投刀刃盡乃下死守我兵攻堡破之悉斬首以獻
時日且暝公喜謂諸將曰此賊流突千里轉戰無慮數十次無能
攖其鋒者今一鼓蕩平真朝廷天威也命取賊心啖之選獍獠首
級二十餘顆置案上每顆爲飲一觥左右皆失色而公談笑自若
也達旦諸營方知破賊相率入賀公謂鏜曰再一二日何如鏜大

欽服乃完師而歸時乙卯仲冬旣望也

吳欽紀清風嶺之捷云嘉靖乙卯冬十一月倭船三艘艤南麂之西麓提督都御史胡公宗憲預設海艦封守甚固二船不能入揚帆而東其一西走我兵躡之沈其舟追入輿內相持八晝夜賊窘甚從山後竊划船逸去颶風驅回登劫大密至二港守備劉隆千戶劉綱百戶張澄戰歿於陣賊勢復熾遂越金鄉趨台州以漸北向時公方奏樂清之捷會台州告急公笑曰寇來有三敗我皆得之不足平也初寇登平陽守將不循約束故得深入今台守譚綸干城之將且素受方略賊玩蹂其疆一兵法小敵之堅大敵之擒寇方得志王港其氣驕我兵方捷於樂清其氣勁以勁乘驕如拉朽耳二容美兵精悍甲諸部萬里從征朝氣正銳但初未諳險阨今授以布衣勳擊之法制其營之練其軍道中或與賊以器統部署爲前哨報效吏章延廩爲後哨百戶王世仁陳濠督健卒伏於小江道左知事陳東督鄉兵伏於顏坑諸處而又迎賊所向預置藥蜜藥餅餌之由是賊或中伏或中毒擒獲三十餘顆傷死者不計始悔入台州境十二月抵新昌知應台關有備去至嵎縣三界上館嶺會容美兵陳而待田九霄以正兵當其前田九章援兵繼進左翼則畱守王倫伏兵當之右翼則經歷畢爵伏兵當之指揮吳江率部兵繞賊背後夾擊且多張旗幟爲疑兵以撼賊勢賊四面受敵且戰且走我兵追之人清風嶺烈女祠俘斬一百七十餘是役也賊二百餘徒歷温台紹三郡始克剿滅其敢於深入者猶恃紹興之倭欲與合夥迨越台州始知舊倭已破於是既畏譚兵不敢南復畏王兵不敢北卒至於敗如公所料云

丙三十 弘治二年 日本外史十後北條氏弘治元年氏康使使人

諸將士議立其子義氏代之遂為請其官爵詔授左馬頭以氏康

為左京大夫敘從五位下長尾輝虎計擊氏康亦請京師請將軍

足利義輝自冒上杉氏太田資正為輝虎諸將曰關東將士自

古屬源氏北條平氏也胡為附之室町將軍已以輝虎為管領公

等宜決嚮背焉於是將士多送款輝虎輝虎數入上野氏康遣兵

拒之更有勝敗二年里見義弘又通輝虎以兵艦八十艘上三浦

城島氏康成將梶原某富永某 和漢年契春三月元就逐大內義

長取周防 日本外史十二毛利軍至矣陶長房教義長乞援於大友氏

大友氏弗敢應十二月元就進陣島國遣隆景徇玖珂郡至上關

杉重輔為內應攻殺長房將士相疑皆送款元就元就聞尼子晴

久窺備後石見未肯深入也乃招降備後豪族山內隆通又命元

之春守石見而自引軍向山口陶氏故黨以萬人距煤開城隆元攻

持篋與席以傳城下投簣於淖布席其上踐以登城塵殺其兵山

口騷擾悉甲拒右田岳元就與隆元合兵二萬攻降之使一將守

之內藤隆春等迎降元就遣六千騎扼長府下關以絕大友氏援

路而令福原貞俊攻勝山殺義長及晴賢季子鶴壽周防長門士

民雲集山口豐前筑後諸城又多送降者元就盡除弊政免租賦

陶氏餘黨起攻鶴峯元就將萬人往平之轉攻周防故將益田藤

包於三角城元春隆景說曰藤包勇智木下正賴而與之有卻宜

兩存之使相鈐制乃招降藤包元就於是盡取大內氏地遂圖尼

子氏而患尼子國久強悍謀除之尼子經久娶吉川經基女而元

就亦為其孫女婿是以託姻戚數通使幣於國久晴久頗疑之義

勝之死其子經貞猶幼國久攝其邑及長不返與經貞銜之於是

元就令死囚懷書入出雲殺之道上行入聚觀取其書乃元就與

國久約內應者也晴久獲書大驚召經貞問曰聞新宮黨陰通安

藝女豈知之乎經貞媒孽之曰臣數見其密使往來晴久乃伏甲

要殺國久父子職其 明使鄭舜功來

明史日本傳明年二月罷宣代以宗憲以阮鶚還撫浙江於是宗

憲乃請遣使諭日本國王禁戢島寇招還通番奸商許立功免罪

既得旨遂遣甯波諸生蔣洲陳可願往及是可願還言至其國五

島遇汪直毛海峯謂日本內亂王與其相俱死諸島不相統攝須

徧諭乃可杜其入犯又言有薩摩洲者雖已揚帆入寇非其本心

乞通貢互市願殺賊自效乃畱洲傳諭各島而送可願還宗憲以

考十五後奈良

聞兵部言直等本編民既稱效順卽當釋兵乃絕不言及第求開
市通貢隱若屬國然其奸叵測宜令督臣振揚國威嚴加備禦移
檄直等俾剿除舟山諸賊巢以自明果海疆廓清自有恩賚從之
時兩浙皆被倭而慈谿焚殺獨慘餘姚次之浙西柘林乍浦烏鎮
阜林間皆爲賊巢前後至者二萬餘人命宗憲亟圖方略七月宗
憲言賊首毛海峯自陳可願還一敗倭寇於舟山再敗之瀝表又
遣其黨招諭各島相率效順乞加重賞部令宗憲以便宜行當是
時徐海陳東麻葉方連兵攻圍桐鄉宗憲設計間之海遂擒東葉
以降盡殲其餘眾於乍浦未幾復蹙海於梁莊海亦授首餘黨盡
滅江南浙西諸寇略平而江北倭則犯丹陽及掠瓜洲燒漕艘者
明春復犯如皋海門攻通州掠揚州高郵入寶應遂侵淮安府集
於廟灣逾年乃克其浙東之倭則盤居於舟山等處官道所
襲先是前洲官諭諸島至豐後被掠人口而咨乃用國王印
戢於是山口都督源義長具咨送還被掠人口而咨乃用國王印
豐後太守源義鎮遣僧德陽等具方物奉表謝罪請頒勘合修貢
送洲還前楊宜所遣鄭舜功出海哨探者行至豐後島島主亦遣
僧清授附舟來謝罪言前後侵犯皆中國奸商潛引諸島夷眾義
鎮等實不知於是宗憲疏陳其事言洲奉使二年止歷豐後山口
二島或有貢物而無印信勘合或有印信而無國王名稱皆違朝
典然彼既以貢來又送還被掠人口實有畏罪乞恩意宜禮遣其
使令傳諭義鎮義長轉諭日本王擒獻倡亂諸渠及中國奸宄方
許通貢詔可汪直之踞海島也與其黨王激葉宗滿謝和王清溪
等各挾倭寇爲雄朝廷至懸伯爵萬金之賞以購之迄不能致及
是內地官軍頗有備倭雖橫亦多被剿戮有全島無一人歸者往

往怨直直漸不自安宗憲與直同郡館直母與其妻孥於杭州遣
蔣洲齎其家書招之直知家屬固無恙頗心動義鎮等以中國許
互市亦喜乃裝巨舟遣其屬善妙等四十餘人隨直等來貢市
籌海圖編先是海商汪直挾倭以要互市不得遂糾島夷而身爲
之調度浙直廣福悉被殘破倭往倭來訖無甯歲御史胡宗憲按
浙廉知其情與都察侍郎趙文華奏乞遣使宣諭日本國王令其
禁戢島夷以弭邊患實欲行間諜以句致汪直而絕禍源也疏入
上命廷臣議之咸稱曰便乃令布政司爲檄致之宣布朝廷德意
募能使者甯波生員蔣洲陳可願請行於是假市舶提舉服色充
正副使以往檄曰王國自我太祖高皇帝御極以來世秉恭順貢
獻天朝天朝待王恩亦不薄上下安和恪承天道各保生民今爾
倭劫掠居民念惟王國法合嚴明郡民盜一惟一犬者必殺無赦
副使陳可願移檄報知王若能守祖宗之大法思聖朝之厚恩憤
部民之橫行分投遣行嚴加約束不許私出沒海洋侵擾中國使
邊境甯靜豐隙不生共享和平之福如此本司卽爲王奏聞天子
必有大旌勞之典史冊書美光傳百世豈不快哉否則奸商島民
煽搆不已黨類益繁盤據海島窺伺竊發恐非王國之利如昔年
安南國王陳氏之禍可鑑矣今日移文報知亦非爲中國也王其
深體而速行之洲等捧檄以行十一月望日至其國五島地方偶
遇直養子毛海峯在焉洲等以移諭事告之遂引見直洲等諭以
朝廷遣使之意及軍門招徠之心直爲感德然不欲國王之知之
也謂洲等曰倭意惟在求互市而已既朝廷有曠蕩之恩吾當爲
若等謀之然天文國君孱弱不能號令於其國其能禁戢諸部耶

須歷島諭之亂可弭也遣毛海峯輩送可願回而雷洲在島者數月海峯以報效爲名實伺內地虛實與當道待直之意何如以爲進止時宗憲已總督軍務洞燭其奸乃故示以寬厚之意准令立功報效而爲之奏請賞賚優渥海峯還報直始挺身而來謂市舶可通而榮顯可致也然猶慮中變仍挾倭數千而來遷延海上者又兩閱月遣方大忠反覆說之又攜貳其黨與三十六年十一月始入見軍門於甯波而生致之斬之市曹傳首京師自此海上少戢矣

籌海圖編嘉靖三十五年正月參將尙允紹擊賊於松江四橋死之賊首陳東時屯新場爲巢二月賊首徐海復巢柘林新場賊首陳東自燬其巢來與之合賊分掠常鎮松江諸郡縣三月賊據蔡廟堡參政任環參將喬基薛會擊賊於蔡廟賊帥陳時拒縲陝聽塔廟宗憲令環會基擊之賊逃入蔡廟賊帥陳時拒縲陝聽塔廟門車梁攻西門張惟孝攻西北顧鳴鵬攻西南賊死守官兵攻之戰方酣王賓等兵潛從東北入賊遂大敗悉斬之官兵擊新至賊於七阜洪等處悉敗之時新至賊一支自滌缺登犯佐擊將軍宗禮擊敗之一支自七阜洪登犯僉事董邦政擊敗之一支自南匯所登犯參政任環擊敗之參將婁宇又敗之俘斬甚眾而所存者無幾焉先是賊據松江累年勢甚猖獗總督胡宗憲新受命官兵戮力而新至之賊皆迎刃以敗云陶宅之寇爲官兵擊敗遁去海洋參將婁宇等復追敗之宗憲會浙直兵進擣陶宅之寇大敗之賊死者甚眾遁出滌缺外洋婁宇與把總王應麟復敗之於九圍洋俘斬逾百參政任環僉事董邦政擊界嶺新至賊平之賊新至自界嶺登犯宗憲檄環與邦政會擊之大戰一日斬賊十之七八

明日復戰遂無子遺賊犯西菴董邦政討平之賊新至自金山登陸流至西菴宗憲檄邦政攻之賊大敗走匿法昌寺邦政復火攻之盡殲焉賊犯青村把總王應麟討平之新至賊自青村焚舟登陸應麟擊敗之賊匿民房官兵復火攻之賊突走爲官兵所截不得去乃復匿民房遂悉斬之僉事董邦政追擊新賊於沈莊平之賊百餘人皆就戮賊入吳淞江總兵俞大猷大破之賊酋十六艘自寶山入吳淞江大猷先奉總督檄與把總楊尙英劉堂等設伏海口待之賊至伏發沈其舟十三艘斬首三百餘級賊攻江陰縣知縣錢錞禦戰死之時賊攻圍甚急填濠直逼城下勢且陷錞議欲出兵拒之兵備副使王崇古不從錞獨率民兵出戰死鬪殺賊頗眾援兵不至力戰而死然自是賊亦稍稍引去矣事聞贈錞光祿少卿錞字玉璠江陰人錞死之四月賊無陽丹陽賊吳錡江廣賊州府五月賊攻上海縣尋進攻松江府官兵追擊於泖湖澱山湖皆破之時賊新至者以萬計復屯柘林乍浦總兵俞大猷同知袁文貴知縣楊旦等敗其前鋒旣而賊攻上海縣又爲官兵所敗而去遂攻府城把總劉堂追擊於泖湖敗之參政任環同知熊桴復追擊於澱山湖東又敗之前後俘斬賊三百有奇賊攻太倉州六月新安衛百戶師印與賊戰於青村得勝港死之時印統廣兵追賊總兵俞大猷邀擊遁賊於茶山洋大破之七月港賊與吳淞江賊爲官兵所敗相繼遁出海洋大猷預受總督檄設伏劉家河海洋待之且攻且逐追及於茶山東北沈其舟六十艘俘斬三百餘殘寇宵遁復爲颶風所覆無生還者總兵徐珏擊孟河之賊大破之賊遁出揚子江把總張成已復追敗之時賊在孟河勢頗猖獗

珏與戰大敗之賊死者三百餘人先是督察尙書趙文華渡江而南預宣朝命戒兵將無得貪功取級以陷賊計故是戰殺傷獨多既而賊遁出江成已復率舟師大破之斬首百計七月賊首陳東葉明改屯呂巷巡按御史周如斗督諸軍擊走之時賊首徐海屯乍浦遣陳東葉明屯呂巷牽制我師周如斗嚴督僉事董邦政參將婁宇等分布要害進擊之連戰連捷賊死者甚眾遂遁往乍浦八月常州賊遁出海洋宗憲命鏜等追擊大敗之賊掠江陰無錫爲官兵所敗遁出海洋宗憲命鏜等追擊敗之沈其舟數十艘俘斬三百五十有奇是年二月賊犯淮安府揚州府四月千戶戚繼爵與賊戰於狼山死之賊犯通州掠淮安府犯儀真縣犯揚州都指揮張恆千戶羅大爵百戶曾沂禦戰死之時賊一從瓜洲入一從新巷入一從通州入一從通州入一從通州入一從通州入一從瓜洲入一從瓜洲入一從瓜洲入之賊擄監夫百人遇倭自用擄奮擊倭不能敵數瓜洲民兵擊賊多賊攻揚州府同知朱哀千戶賈勇應襲賈恩經歷晏銳死之賊攻小東門甚急官兵用佛郎機殪賊數人賊乃退去哀與高郵衛經歷晏銳千戶賈勇及子恩率兵出城渡河東禦賊勇恩戰死哀與銳爲賊擄至井巷口罵賊不屈遇害事聞立雙忠祠於巷日記之賊犯天長縣犯泗州五月無爲州同知齊恩與賊戰於圖山之北江中死之恩率兵與賊大戰乘勝逐北誤入伏中力戰而死父子兄弟叔姪同時遇害者七人副使馬慎追賊於狼山敗之賊遁出江慎追擊敗之既而福山把總鄧城又追敗之沈其舟一十艘是年犯江北之賊凡五有廟灣之賊尤劇副總兵盧鏜參將劉顯士舍人彭志顯屢進攻之賊遂敗遁

籌海圖編是年正月浙江官兵擊賊於後梅大破之二月賊圍甯

海衛賊據近城蓋廠爲巢日夜攻擊三月官兵進擊舟山謝浦之賊大敗之參將盧鏜知縣宋繼祖武舉鄭應麟生員李良民武生婁楠等會兵進攻大破之賊移屯邵壘柘林賊攻乍浦所副使劉燾擊敗之賊首徐海陳東等自柘林沿海而來欲取乍浦爲巢進攻杭州次及蘇常以至南京兵備副使劉燾疾馳應援與賊相持官兵大勝斬首五十有五賊勢少挫翌日賊自金山而下者復萬餘遂圍燾於城中日夜攻擊燾督官兵禦之賊不得間九日乃解去由海塘而西燾尾追之斬首一百三十餘級賊犯海鹽指揮徐行健死之賊過海鹽轉塘灣行健禦之因眾寡不敵力戰而死賊因野無所掠分作二支一逕至長安一由硤石章婆堰與長安賊會知杭州有備不敢攻而去賊犯沈莊僉事董邦政討平之四月賊犯青田縣百戶方存二死之賊攻溫州同知黃洲死之賊擄府城劍駟擊分力嶺被執罵賊不屈賊怒磔之賊攻長水府指揮程祿死之賊回至王店復分爲二半由海鹽塘半出長水塘期會攻府城時嘉興兵俱往杭州賊規知之故乘空而至也適指揮程祿統陸兵五百至與金丹等水兵夾攻之斬獲頗多賊後至漸眾其陸行者徑趨城下我兵爲其所綴賊遂過城下而西急趨烏鎮祿追之賊預伏民居以待祿遇害時官軍死者千餘人浙東新賊攻觀海衛龍山所進陷慈谿縣時賊自鳴鶴場臨三山江登者各千餘越數日始終攻觀海龍山生員李良民統兵禦之賊乃往慈谿時慈谿無城知縣柳東伯率民兵禦之而賊分蹤繞出兵後衝縣市都長沈宏率族屬士兵勦之斬首百餘級賊卽遁去賊首爲周乙豐洲酋也生員戎良翰與賊戰於上洋死之賊攻甯波府參將盧鏜敗賊於慈谿之丈亭時賊將掠餘姚鏜遏之於丈

亭大敗其眾賊乃不得至餘姚餘姚士民感之爲勒石頌功賊首徐海犯崇德縣佐擊將軍宗禮鎮撫侯槐何衡忠義官霍貫道等禦之戰於三里橋死之海統賊萬餘流劫烏鎮胡宗憲遣千總錢燦等率鹽兵百餘人僞爲亡命投入賊中以爲內應而檄知縣張勦之賊內外驚擾不得甯居欲仍往杭州至崇德三里橋禮等率兵九百禦之三戰三逐北斬首三百餘級賊分番死鬪禮等以孤軍力戰多寡不敵會橋陷軍潰遂皆死之賊攻平湖縣官兵擊敗之指揮翟文擊之賊退走指揮劉岱預伏潘港復追賊至瓦山皆勝之賊攻乍浦所五月浙東賊復入慈谿焚縣治攻龍山所官兵擊敗之賊分二支一支入縣治一攻所城爲龍山兵擊死者數十人乃解去賊首周乙就擒乙統賊四千餘劫慈谿不已而延及餘杭爲浙東之患至是就擒福建賊帥楊瑞等亦皆擒獲

姚本崇悉力禦之賊夜分三支攻城西南而以一支潛由東北登陣遂入縣治先自莆田岐頭流劫北至青田百戶方存仁力戰而死賊遂猖獗攻破縣城巡檢劉岱宏率兵來援戰於東嶺死之浙西賊圍桐鄉縣宗禮兵旣戰沒賊益縱肆提督都御史阮鶚入壁桐鄉賊就圍之副使劉燾遣指揮朱文王彥忠來援擒斬賊二百六十餘人眾寡不敵我兵遂卻總兵俞大猷盧鏜敗賊於漁山馬蹟洋松浦口之賊自古窰遁出漁山海洋鏜與指揮張四維等追及之沈其數舟擒斬賊二百有奇大猷復追及於馬蹟洋俘斬賊百餘人桐鄉圍解徐海陳東攻圍桐鄉勢甚危迫總督胡宗憲新受命引鄉兵千餘駐敵樓防守杭州無他兵可遣援者乃與中書羅龍文謀曰方今徵兵未集而阮提督久困孤城萬一有失損國

威多矣今欲用間用餌以紓時艱而無可使者柰何龍文曰我世受國恩願以死報請往說之公曰君京官也而無朝命往且不測況與賊素無一面之識誰則信之適鄞生陳可願自松浦回以注直義子毛烈通事童華夏正朱尙禮邵岳等款定海關稱報效宗憲喜曰吾事濟矣乃畱毛烈於舟山而亟召童華等來見因厚撫之華等感悅宗憲察其可使乃推誠與之計華遣朱尙禮持書往說海海故畏胡威名欲解去而惡無名得書大喜欲與華面議龍文因請監督以行宗憲從之遂偕詣海所宣布朝廷威德因勸立功以圖顯榮海固唯唯而陰語華曰吾固願爲報效而費倭人金且數萬柰何華曰此易事耳胡公豁達大度爾能與之立功富貴可望也豈直數萬金而已耶海大悅卽以降券付龍文等還報卽日解桐鄉圍而去既而下狹石通塘樓華驅馳進兵之效勝之以倭人金無所償耳華曰若然是擄與以要重賞也然豈效勝之義胡公一怒吾亦不能爲若謀矣爾第出海須軍門有厚賞持以償倭未爲晚也海懼從之卽退屯李港華恐海反覆難保因索海弟宏來質云副使劉燾遣指揮王彥忠等敗賊於斜塘賊有復自松江來者屯斜塘風涇玉帶等處勢甚滋蔓燾令彥忠等擊之賊大敗復由橫浦東去賊犯定海縣六月官兵進擊仙居之賊平之賊據仙居總督胡宗憲咨提督阮鶚往救之又檄副使許東望譚綸總兵盧鏜等從東路進擊賊聞大兵至乃走斷橋彭溪官兵圍於林同知家指揮伍惟員犯其前鋒俘斬賊三百有奇死水火者不計餘賊六十人遁往天台復爲鄉兵所殺而福建流賊遂無孑遺矣應襲管懋充中書羅龍文通事童華誘擒賊首葉明陳東等徐海旣解桐鄉圍而去與葉明陳東分屯呂港新場旋復合於乍

浦城南黨與甚盛督察侍郎趙文華數趣進兵總督胡宗憲曰今
眾寡不敵進兵豈爲勝算且海所以退去者貪吾餌也若進兵而
勝固是美事不勝當柰何今日之事法當先撫而後剿以金數萬
句致其心遣謀離其黨與翦其羽翼徐爲之圖萬全之計也於是
遣龍文與華等行閒適麻葉僞爲宗憲虎符潛出硤石携祝氏婦
宗憲怒復遣華等往語海曰爾一心欲投降而陳東麻葉反覆不
常恐爲爾累非我所以曲全爾命之意海猶豫未決龍文曰彼二
人者已密啟趙公約縛爾生致之矣海大怒乃誘麻葉至管懋充
舟所縛送軍門復約龍文以舟載貨陽與貿易童華以金二百兩
與倭人之桀黠者誘東偕來至舟所卽執之以歸海自此勢孤以
至於亡八月官兵敗賊於夏蓋山三江海洋既而又戰於金塘馬
嶼嶼之閒復大敗之將斬賊二百餘人倭中郎上刺獲
燾擄則於秦驛山時謝報秦驛山支嶺之上有羣倭樓之其舟爲
觸礁所破不能長往仁與燾時駐乍浦卽欲遣兵擊之將士皆云
窮寇據險難以仰攻乃計令兵士挾降倭一人往說之許其送付
徐海其黨五十餘人悉棄甲而來因次第縛之官兵敗賊於乍浦
賊首徐海乞降陳東黨旣爲官兵所破徐海內不自安陰修戰備
爲死鬪之計宗憲知之復令羅龍文童華等往慰之且諷使入見
海猶豫未決龍文宿其營安寢如家海以足躡之覺曰此虎狼之
穴何酣睡若此耶龍文曰我爲爾百口且不顧況此身耶今爾乃
心持兩端何也海曰聞趙必欲殺我恐公不能救龍文曰趙公初
意如此今也則否海曰焉知非誘我而執之耶華曰胡趙二公欲
爲爾題請封爵使爾專提一旅之師捍海上寇若不入見彼何所
據以正請也海曰蹈不測之險柰何龍文曰我京官也且胡公姻

戚爾第入見我則質爾營中萬無一失矣海始首肯華既馳報軍門軍門許之爲之期日謀使復數四期既定海猶慮中變先期而至入見胡趙阮三人及巡按趙孔昭於平湖城中受犒而出謂龍文等曰鑒諸軍門之貌吾禍終不免歎息者久之賊首徐海復叛據沈家莊總督侍郎胡宗憲督察侍郎趙文華提督都御史阮鶚率官兵討平之時官兵四集軍威甚盛海偵知之陰收陳東葉明餘黨謀拒自全宗憲復遣童華往解之海迎謂曰吾以爾言結怨諸倭今軍門既受吾降而復徵兵漸逼非爲我而誰耶叱左右縛華將殺之華大笑不止海曰爾尙何言華曰吾笑爾不識人以忠爲姦使吾枉死爾不智海曰何謂也華曰陳葉二黨尙多且心迹不一今陽爲附爾實爲豫讓之計軍門恐爾入其彀中故遣我相聞官兵壁近郊者防其變也爾何不爲爾自爲爾密約官兵相今沈莊有東西二所爾何不爲爾自爲爾密約官兵相爾後患絕矣海深然之卒用其策由是二黨互相猜疑宗憲知之遂部署大兵進搗其巢是時賊墟甚堅據敵樓以拒四面皆挂白布覘我我不得覘賊也諸將以佛狼機攻之畏矢石不敢近七日弗克宗憲怒命都指揮戴冲霄攻之冲霄率兵士逼賊壘立於矢石之下燬其西南正西敵樓各一座賊失據冲霄及把總楊永昌等督永保等兵大進搗巢於半日之間實冲霄燬敵樓之功也海既敗沒其黨散走一支據定海巨家洋阮鶚與總兵俞大猷盧鏜署參將鄭應麟合兵圍之賊潰走踰桃花嶺渡甯溪歷鄞縣奉化甯海與官兵戰於台州兩頭門把總指揮范缺死焉賊突走溫州至福甯得舟而遁一支自直隸出海爲大猷兵所滅一支自浙江出海爲鏜兵所滅其得脫走者突登慈谿縣伏龍山阮鶚率兵滅

之由是賊無生還者矣總兵盧鏜擒賊首辛五郎等於清港洋副使許東望擊賊於馬墓福山洋大敗之賊酋二囉表及從賊七十餘人皆就擒九月百戶郎官追賊於臨海兩頭門死之官兵與賊戰於雁門嶺生員倪泰員死之副使王詢總兵俞大猷擊舟山賊平之俘斬賊一百五十餘人官兵搃乍浦賊巢土官江相向鑿死之十二月冠帶把總莫翁達與賊戰於舟山死之官兵進搃謝浦賊巢平之先是賊據吳家山官兵自秋及冬屢攻弗克胡宗憲命把總張四維以麻陽兵當歲除夜襲破之俘斬無遺是年兩浙之賊數踰二萬皆次第就擒而謝浦之寇卽舟山之餘孽云是年三月福建備倭劉焮千戶王月與賊戰於石壁嶺死之賊亦敗遁福清海口之賊遁至西鄉官兵追之斬其衣紅賊首一人賊敗走焮與月率兵欲伏石壁嶺邀擊之未及賊遇賊於石壁嶺或伏或擊賊輒敗走參將尹鳳預置藥酒於胡坪賊中毒者數十人四月及於桐山又破之賊遂入浙江十月犯興化府平海衛千戶巨珍死之犯福清縣指揮章乾震死之是年四月賊登山東靈山衛養馬官兵討平之賊犯海陽所官兵討平之犯靖海衛文登營官兵討平之

江南經略是年三月賊攻無錫縣城時兵備副使王崇古駐節城中督官兵拒賊賊死於矢石者頗眾乃由高橋北去而沿城民居悉爲煨燼矣四月十八日倭船七十餘隻泊縣之北門晝則分艘出掠夜則歸聚至五月十二日由江陰君山出江十五日出海過劉家河參將羅帥舟師擊之沈其五艘賊驚遁八月掠縣境爲官兵擊敗而去太倉州是年二月賊入七浦寇東鄉諸鎮四月十

三日倭船突至茜涇鎮團長率鄉兵禦之十八日黃窪新塘之賊合艘至茜涇與弓兵鄉民合戰不勝遁走七鴉港少遲賊復至屯錢思橋分其徒作二支一由七浦塘至官場路一往甘草鎮焚劫十九日知州熊桴遣兵襲其巢賊出方掠聞報還救與官兵戰各無勝敗二十日賊掠橫涇鎮勢愈熾五月初三日茜涇之賊掠沙頭鎮而南將至城下判官張大倫督師與戰方酣賊伏兵起我師遂潰賊亦去上海縣是年五月賊攻縣城戊午朔賊舟五十餘艘從吳淞江入泊上海北宮作雲梯攻城通判劉本學率縣人募死士固守積十七日外援不至賊佯退乙亥夜半賊乘守懈潛登西南隅守城卒楊鈿覺之大呼眾驚起賊刺鈿墮城下眾發矢石擊賊退去初賊抵城下潮落濠可涉渡比去則潮至矣賊眾盡沒濠中平日爲守城者勞斬其首數十級暴示城上賊過浦望見之流而去自是邑無後患矣陽縣是年四月賊圍縣城官軍禦之之五月賊由圖山而來將泊城下適麻陽兵自京口南下賊未知也本縣士民糾銀二千餘兩賂麻陽之兵兵潛竄土兵中改其衣裝既接戰麻陽兵突出賊大敗走斬首七百餘級亦非軍門之命故不報功

諸大圭紀乍浦之捷云嘉靖丙辰秋七月賊徐海陳東之解桐鄉圍而東也陽爲聽撫心實狐疑自呂港新場移屯乍浦城南營廠絡繹改修舊船以圖出海且窺伺我兵強弱爲其進止總督侍郎胡公宗憲策知其計因外示羈縻而密檄副使劉燾圖之會尙書趙公文華再命督察至公乃與定議以乍浦西南海塘可通杭州咨浙福提督都御史阮公鶚偕郎中郭仁副使徐洛總兵徐珏等壁海鹽以遏犯杭之路東北金山可通松江浦東咨直隸提督都

御史張公景賢駐松江而參政任環僉事董邦政畱守王倫同知熊桴容美士官田九霄等扼青村黃浦及出海之路公親督大兵與參政汪柏參議王詢等駐平湖與賊逼壘而陣總兵俞大猷盧鏜等則以舟師設伏洋山馬蹟邀其歸路分布既定候間而發適上海之賊由吳淞而西南出復萬餘人公恐海或中變與之連衡急啗海使東出擊賊可得舟還島海以爲然果逆斬賊數百賊遂夜走以故海不及取其舟而返其他酋長脫出海者公已別遣大猷伏飛艦海上遮擊之溺且盡公又計海書記麻葉不死無以堅其內附之心而陳東者與麻葉聲相倚桐鄉之役與海相睚眦者也於是又計令海縛麻葉縛陳東以獻海遂併有其眾而諸酋長則疑且怨海矣海自度進退無所而公故與趙公簿責海益急因遣謀私海令其誘眾得斬之以謝可無罪海不謂已從與等約公乃令副使劉燾引遊擊尹秉衡兵夜伏乍浦城中而徐瑛等兵分爲三哨進壁白馬廟左瀨等兵由平湖間道而出主簿曹廷慧參將丁僅等壁乍浦城以爲內援至期瑛等移營瓦山海果挈妻走海上艘羣倭爭逐之大亂城上舉火我兵四合競進大敗之燒賊巢廠二十餘里時海執稱歸順投梁莊去諸遁出海洋者俞大猷遊兵擊之前後俘斬七百有奇沒海及焚死者無算乍浦之賊無孑遺矣夫徐海以首惡煽禍而陳東麻葉等爲之犄角句引外裔侵擾中土受其螫毒者五年矣丙辰春擁眾數萬分道入寇北犯瓜揚阻絕運道東掠甯紹牽制我師聲言欲下杭州犯畱都比之曩時猖獗尤甚公相度機宜不輕與爭鋒捐千金賞敢死之士用間誘退呂港賊艘以伐其深犯之謀復誘令殺賊立功以剪其羽翼之勢擒麻葉擒陳東度其孤危可以取矣猶謂困獸死鬪

乃故棄船海澨開一面之缺而卒以遊兵邀之無一得脫者後先下著不爽纖微島寇之所以畏服而東南之所以奠安者不以此哉不以此哉

茅坤紀勦徐海本末云嘉靖丙辰徐海之擁諸倭而寇也一支由海門入掠維揚東控京口一支由吳淞江入掠上海一支由定海關入掠慈谿等縣眾各數千人而海自擁部下萬餘人直逼乍浦而登岸則破諸舟悉焚之令人人各爲死戰又導故窟柘林者陳東所部數千人與俱併兵攻乍浦城蓋四月十九日也當是時朝廷方奪故總督而新總督胡公宗憲自提督代之甫八日開幕府麾下募卒僅三千人俱孱弱不可用故總督所徵四川湖廣山東湖南諸兵俱罷去所爲緩急者特容美土兵千人及參將宗禮所

籍河朔之兵八百人耳南此諸倭而下敵萬餘皆聲言也

卷蘇湖以脅金陵氣恣甚總督胡公方召諸司畫計無何故提督阮公鶚代胡公爲提督檄未至夜半聞乍浦圍卷甲趨之胡公亦分遣兵澈浦海鹽之間爲聲援而自引兵壁塘棲相犄角居頃之海聞新總督胡公卽故御史所嘗提兵督戰於鶯湖王涇之間而覆之者氣稍阻尋罷乍浦圍聞兩公方擁兵壁近郊不復敢窺杭於是經略峽石越阜林出烏鎮以北烏鎮者卽海故所犯蘇湖舊路也當是時胡公旣獲謀度蘇湖之間惟鶯湖爲四戰之地於是檄河朔兵自嘉興入駐勝墩陣而待因以吳江水兵遮其前湖州水兵尾其後而公自引麾下募卒及容美土兵橫擊之提督阮公自崇德聞賊且出烏鎮也卽道挾河朔之兵騎而馳及之於阜林令善射者且躡且射賊稍稍引去賊縱數百人嘗之輒又敗去賊

怒甚鼓譟而前提督阮公勢皇急於是走輕舸入保桐鄉而參將宗禮與裨將霍貫道等乃自張左右翼厚集其陣以待戰數合擊殺數十人會日暮賊且引去時賊氣頗窘而宗禮霍貫道等亦已絕餉道不得擇善地便水草以自休止明日餓而戰賊遣候者登樹而望蓋孤壘以塹無他援者也大喜復縱兵以半擊其前以半繞其背而霍貫道河朔故騎將也大呼眾力戰矢礮如雨下無不人人一當十復擊殺數十百人而貫道亦手自刃十餘人賊益怖海且中礮欲馳去會火藥盡霍貫道面宗禮仰天呼曰吾兩人再得藥數斗可以了此賊矣未幾貫道與宗禮俱陷眾大敗賊遂乘勝圍桐鄉時總督胡公已引兵躡崇德聞之潛然流涕曰河朔之兵既敗東南之事無復可支矣賊已困桐鄉假令復分兵困崇德以劫我我兩人譬之抱石而自沈也國家且奈何於是遣自或敗諸路兵爲戰守計先是公始爲提督時嘗與監督尙書趙公謀曰國家困海上之寇數年於茲矣諸倭酋乘潮出沒將士所不得斥候而成者人言汪直以威信雄海上無他罪狀苟得誘而使之或可陰攜其黨也按部題亦嘗有用間爲策者於是遣辯士蔣洲陳可願及故嘗與汪直友善者數輩入海諭直直果感悅願如約遣其養子毛海峯款定海關謝過間以諭海海已句薩摩諸島入劫故不相及而海峯者云云彼固未之知也胡公策曰直與海雖順逆不同其勢固唇齒也直既悔悟海獨不可以大義說之乎不然彼貪人也誘之以利或可徃其心聞桐鄉城小而堅緩之數十日則永保戍兵至固可破之矣於是疾走人諭毛海峯因厚遣謀者陰過徐海所曰直以遣子款定海關朝廷固且赦之矣若獨無意乎新總督威名非曩時比且仰體朝廷德意推心置腹若不乘

此時解甲自謝他日必爲擒矣海頗然其計於是亦遣酋自謝約
罷圍去因以要公稍出中國貨物遣他倭酋而疏釋其罪公佯諾
輒以銀牌綺帶厚遣來謝酋而陰令營中盛兵容私謀者故縱酋
瞰之酋旣德公遣又內怖公之兵威也歸以報海明日復遣他酋
來謝公視之如初凡數復海於是始歸心於公願爲公死之矣然
陳東心獨竊疑海私公遣猶怏怏未之從也海間遣酋次桐鄉城
下私城上兵曰某已聽總督胡公約解去矣城東門故柘林賊陳
東黨也桀悍不吾從若當謹備之是夕海果道崇德而西且乞他
兵於公以夾擊陳東胡公猶心詎未之許而陳東獨盛爲樓櫓撞
竿以撞城而桐鄉令金燕者疆幹吏也城中一切兵仗火藥諸已
繕備提督阮公復躬厲矢石徇城上人下令散千金募敢死士督
戰益急所殺傷賊亦數十人方鐘竿自樓櫓中躍而撞城城幾壞
一男子爲縉索圍撞竿所擊故窟竿至卽縉拚以上斬之勢且孤亦相與稍稍引去圍始解而提督阮公出矣時五月二十
三日也方阮公困桐鄉時固日夜望總督胡公援兵之至而胡公
亦重念東南之安危身之禍福與阮公相旦暮情固急業已遣兵
備劉公督同畱守王倫宣撫田九霄勒兵自嘉興入壁斗門守分
汪公督同知縣張冕勒兵自湖州入壁烏鎮參將丁僅勒兵自海
鹽入壁王店指揮樂塤督同千戶羅天與勒兵自崇德入壁石門
又令崇德令崔近思收河朔之散卒入城爲聲援兵四面環賊遠
者二三十里近者十餘里而陣然各以犴卓林之賊遠巡惶怖不
敢逼而公業遣謀羈說賊亦日夜望永保成兵之至以決一戰也
計無可柰何而胡公與阮公兩人者爲同年故深相結者及援兵

不合阮公自圖中頗急於是兩相猜而他誘者與爲飛語撼兩公者盈道路矣當是時朝廷聞東南之寇卽日出尙書趙公督山東河朔諸兵援之又兩公所私相猜者語頗聞趙公趙公亦故與兩公者爲肺腑交所嘗兩推轂中朝以鎮東南者念兩公卒有隙則東南之事牴牾不可圖於是日夜引兵而南至揚州則阮公業已出桐鄉圍東渡錢塘徇會稽諸下邑擊他賊胡公亦聞尙書趙公之至且戰且南淮陽毗陵之間無足慮海爲巨擘間雖狃而內附中固不可測而上海之賊萬餘人由吳淞江西引方急迺日遣謀者啗海以金帛而說之東出海上擊他賊海亦果收諸倭酋出乍浦道平湖時諜報吳淞江之賊已鼓行涉嘉善界欲西合海公念海萬一卒他變兩相合奈何因策海始已焚舟爲深入今不得舟必急於是遣諜詢海謂海既內附何不助我擊吳淞江賊且篡奪其輜掠舟以歸海果然其計卽日引諸酋逆之吳淞江賊斬首若干級餘賊遂夜走以故海不及篡奪其舟而還及他酋脫而出海也胡公又別遣總兵俞大猷伏飛艦海上遮擊之洎且盡於是海旣德公不敢背又聞吳淞江賊之出爲俞總兵所遮擊益內怖日輸款於公遂輦故所載飛魚冠及他堅甲名劍數十種竝以輸公而閒遣其弟洪入質於公公固佯納之公又諜聞海麾下獨書記麻葉爲酋長其爲人頗黠而悍近與海爭一女子有微隙非用閒爭縛之則無以死彼之內附之心於是遣諜就海帳中諷海縛麻葉以出麻葉出而諸諜故隸麻葉部曲者稍稍怨且懼矣怨且懼恐生他釁則又以他罪縛其黨幾百餘人公又策陳東於諸部曲中與麻葉聲相倚頃以桐鄉之役兩睚眦者也數遣諜持簪珥璣翠遺海兩侍女令兩侍女日夜說海并縛陳東海聞諾而

陳東者薩摩王弟故帳下書記酋海固未之能也於是出葉麻囚
中令其詐爲書於東反兵賊殺海其書故不以遺東陰泄之於海
激怒之使并縛東海讀其書涕雙下益德公之不忍爲東所賊殺
之也日夜謀縛東以報公居無何尙書趙公移兵渡江來所過州
縣數舉兵向賊賊輒敗走俘斬若干級兵威大布當是時公已知
海之甘心於東不忍疾擊海疾擊之兩人迫而深相結則東南之
事未易圖而尙書趙公之至也私約公共部署兵擊海日急且召
公故所遣諜面詰之曰若爲我諭徐海海連兵以來罪不容死非
縛陳東及斬千餘級以獻恐無以謝朝廷若能則我當同督府諸
公疏釋之不然若且齏粉矣是時阮公亦至於是海益怖出所故
掠中國貨物千餘金賂王弟詐請東代署書記海因夜得東卽縛
以故約復於胡公葉麻與陳東相繼縛而諸酋長恟恟內亂矣是
時諸酋旣疑且怨海無鬪心故其氣日寔海亦自度縱令反故
當亦必爲諸酋長所賊殺故爲內附日固而公與趙公簿責海益
急海旣急因念欲掠舟出海恐爲海上兵所劫欲列壘拒官兵又
業已內附不忍背且陳東黨固日夜謀襲殺之也公策曰彼旣亂
吾可乘之矣因遣諜私海曰我固欲寬若趙尙書以若罪孽大何
不聽我艤數十艘海上若且誘之逐海上艘令俘斬千餘級以謝
趙公而若因得以自完乎海不得已且疑且諾因約兵備副使劉
公引兵伏乍浦城中而某日時某當引眾出海岸去乍浦城半里
而陣佯令眾酋逐海上艘某手旗麾之城中官兵卽舉燧爲號從
城中出亟擊勿失諸官兵卒如故約乘之諸倭酋逐海上艘如蟻
不及還兵鬪於是諸官兵得乘勝蹂而前不傷一卒所俘斬數十
百人沒海者無算於是海自以數有功於朝廷願與部下諸酋長

入款且庭謁胡公與尙書趙公提督阮公巡按趙公竝許之謀往復期以八月初二日然海猶恐間設甲士劫之先期一日猝擁酋數百人胄而陣平湖城外自率酋長百餘人胄而入平湖城中以求四公者計不許恐他變遂許之海與諸酋長北嚮面四公按次稽首呼天星爺死罪死罪海欲再爲款胡公而未之識因顧謀謀目示之海復面胡公稽首呼天星爺死罪死罪胡公亦下堂手摩海頂謂之曰若苦東南久矣今旣內附朝廷且赦若慎勿再爲孽海復稽首呼天星爺死罪死罪於是四公厚犒遣之而出是日城中人無不洒然色變者海旣出諸公者固已憤恚海之列款猶胄而入屬彊脅無禮又不及如謀故所期月日而先日猝至也其習行桀黠若此於是闔謀不勒兵誅之他日必爲患計部下尙千餘人猛鷲難卽破永保兵酋迤邐遠遁未至也於是羊令海自擇更地居之海果自擇便地得沈家莊卽做沈家莊與居之是爲八月八日當是時眾復喧然譁諸公輩何不撲滅海不然且縱之出海止令自解去顧參虎以自禍也不知諸公者固有待於是胡公與尙書趙公提督阮公私自部署兵又日夜遣使趣永保兵來會兵未集恐海驚禍且肘腋間胡公因日遣謀訶海且啗海如曩時公因謀以請於趙公曰吾聞善兵者乖其所之海與陳東黨業已深仇今合而兩附者迫故耳聞沈家莊故東西兩處而中縮河爲塹何不說海以西沈家莊居陳東黨而自擇東沈家莊以居部下酋乎謀以喻海海果如其言頃之永保兵至會海輸二百金於公市酒米公復與趙公謀以藥毒其中而歸之又令陳東詐爲書夜遺其黨曰徐海已約官兵來勦汝輩矣陳東黨果疑而夜伏邏卒東沈家莊道上瞰之適海皇急因令酋竊兩侍女出道上而急則因

聞道走幕府以自托邏卒瞰知之歸以報於陳東黨陳東黨聞之大驚卽勒兵募兩侍女過海所罵曰吾死若俱死耳遂私相稍而鬪海中稍眾大亂明日官兵四面合牆立而進保靖兵先當之稍卻河朔兵乘之又卻俄而胡公擐甲厲聲叱永保兵左右列大呼而人瞰壘下擊會風烈公麾眾束千餘炬人各持炬縱火焚之海窟甚遂沈河死甫食頃人人驚而攫千餘酋蒐斬殆盡矣中所故飲毒賊首黑色者凡三百餘人於是永保兵俘兩侍女而前問海何在兩侍女者王姓一名翠翹一名綠姝故歌妓也兩侍女泣而指海所自沈河處永保兵遂蹈河斬海級以歸

謝願紀仙居之捷云嘉靖丙辰三月朝廷以都御史胡公宗憲累建奇勳命以兵部侍郎總督浙直福建軍務會福建桐山之賊流逼浙境同知黃釗指揮梅魁禦之賊潰圍北走公密命副使劉器預伏兵塔石蕉蒲諸山險阨則潛署火器以待俟列舟師於山側之江濱賊至伏起殺傷甚眾遁由天門埭至平陽青田越小時沿江而南遂入荆溪通仙居樂清之孔道也時臨海天台業已受公計集鄉兵守黃潭箬孔中渡由是賊不得犯甯紹由烏杭西入仙居乘城築未完衝突焚劫慘倍他地乃咨提督都御史阮公鶚馳救之復行副使許東望知府譚綸總兵盧鏜兵從東路而進賊聞大兵且至遂走斷橋彭溪集於民舍我兵合圍攻之俘斬三百餘級焚溺死者無算所存六十餘人取道天台之北復爲赤城民兵所殺是時浙東西硤石梁湖之賊各萬餘人俱薄會城魁桀難制江南北新舊屯據者數亦逾萬公以一身寄諸藩之安危以一身當百萬之兵甲隨機督勦算無遺策直隸有寶山之捷兩浙有西菴清水窪之捷而桐山流寇亦旋就殄戮謂公今之子儀非耶

又記金塘之捷云辛五郎者宿寇徐海之偏裨也與陳東葉宗滿麻葉輩同巢柘林攻乍浦圍桐鄉毒螫吳越諸州郡其志欲吞全浙窺留都勢甚猛也總督胡公宗憲欲滅之忌海與其黨既而海受我用擒其所惡陳東麻葉輩而遣其所懼以歸倭島五郎在焉公密令總兵俞大猷等分布海洋要衝截殺諸寇而五郎則責之盧鏜鏜接密諭時方對諸客食忽命治艦之金塘山客相顧莫知所謂鏜自乘福船令子相督率哨船爲前驅次日至金塘瞭見北洋有大舟揚帆而南令哨船四散潛泊少選大船艤金塘之麓賊皆登憩鏜知其爲五郎也令哨船叢射之繼以銃礮賊以手且搖且招搖者示勿攻擊招者示有所言也相乃颺言曰欲打話須去而兵器賊拍掌示無而呼一董一董者一家之義乃倭語也有華人從寇者曰吾等乃胡總爺召汝回者也自胡總爺召汝回者汝等可憐乎至舟傍慰藉之謂五郎曰汝既爲軍門所遣豈可憐乎言三鼎烹治而津送之遂延五郎同舟餘派哨船分載每載不過三四人多則不能容也五郎辭鏜厚加禮貌五郎不疑宴至深夜鏜坐福船上層將臺侍者引雙燈上桅俄而哨船蝟聚鏜問之曰如何相對曰是了五郎大驚請下哨船與眾酋同宿鏜曰諾令左右送之穴梯而下至蓬戶外望惟海而已五郎悟欲赴水死左右不許曰臥榻在地平下五郎度不能免浩歎就臥相縛之翌日入定海關乃知賊徒俱已芟盡卽前夜起雙燈時也是了者乃復命也羣賊死時皆不知軍門之謀僉誦哨兵敢行誤殺五郎亦自以偶遇盧鏜被執不知其計出軍門也嗚呼神哉後獻俘告廟天子賜璽獎公天下無不稱快云

丁三十一弘治三年和漢年契春三月信長殺其弟信行日本外史

氏上信秀有十二男四女庶長子信廣其次為信長信幼字吉
法師信秀自居古渡別城那古野置吉法師焉令林通勝平手政
秀等傳之甫十三加首服於古渡名信長字三郎明年信長始
將兵入參河攻今川氏屬城吉良大濱縱火而還信長若無武
事被服奇偉喜帶大刀其出行街市或憑人肩餽餅果傍若無人
常調馬習弓銃學泐聚近士令以竹槍鬪曰槍利於長乃造二丈
槍及嗣立稱上總介次弟信稱勸十郎嘗為信秀設法會信長
與信行偕往拜位前觀者甚眾信稱先進攫香投鑪內一拜而出
信行整容拈香拜伏久之觀者竊譽信行有西海僧在眾中相信
長曰此子乃英雄也然信長放縱日甚平手政秀驟諫之政秀之
子有名馬信長請之辭弗肯獻信長怒遂惡政秀不聽其言政秀
憂懣曰吾受保傅之託而不能匡救焉何以視息於人間哉二十
二年正月政秀遂自殺信長驚惋自咎屏居不出為建佛院名曰
政秀寺忌日必詣輒自矢曰吾徒悔亡益當改過勵行立大功於
天下以償前失耳於是益講武事警備鄰國齋藤秀龍以其婦翁
欲一見四月會於富田正德寺秀龍微使將士盛服列坐欲延信
長過其前以試其動止也至期秀龍微行潛道傍民舍以視信長
過信長為茶苑髻著闊袖穿虎皮袴佩繩緋刀及大瓢健士八百
人弓銃朱幹槍各五百從其前後秀龍以爲信長龕野命其行人
以草具供之信長至寺入屏風中結髮更衣而出儀容閑雅雖從
者皆驚秀龍使其二宰春日堀田出迎信長不與言過羣士前上
堂倚柱而坐頃焉秀龍出信長如不見者堀田進曰是山城守也
信長乃顧秀龍曰適在道傍民舍中所見者何酷類公也乃接見
之秀龍復命曰西軍相繼堀田因言信長善戰且仁信長曰
常祐死於戰其遺臣織田三位阪井大膳河尻左馬等擁常祐子
彥五郎與信秀信長構兵斯波義統者義良孫也居清洲城中竊
右信長彥五郎等覺之不自安二十三年七月阪井河尻等襲義
統弑之毛利秀高以義統孤兒脫走來那古屋信長奉之於天王
坊謂將士曰清洲我宗家也而弑我累世之主不可不誅乃遣柴
田勝家等七將攻清洲與三位左馬戰於城外斬之使伴許之弘治
元年四月大膳延信光於城內自與兄大炊來見信光率兵而往
及見大炊立拔刀斬之大膳出奔信長馳至圍彥五郎數其弑逆
誅之終取清洲徙居馬令信光居那古屋食河東郡已而信光家
內變為其下所害信長以林通勝為那古屋留守通勝患信長標
悍與弟光春柴田勝家謀弑之而立信行信長覺之二年五月信
長獨與四弟信時卒往那古屋謂之信行信長語通勝曰是年幸也
宜速行大事通勝不忍信長返若於名家急於清洲信長即率見
兵七百赴援使織田造酒承等當勝名家告急於清洲信長即率
隊將森可成謂信長曰今日之戰我軍克矣信長問何以知之曰
光春有驕色信長欲馳可成曰今日之戰我軍克矣信長問何以
下兵可成曰可以馳矣信長乃馳擊破之手揮槍縱殺光春遂歸
赴勝家軍大呼曰我已獲光春矣勿使勝家逸勝家大怖終走歸
末盛城信長母六角氏愛信行與之俱居未盛於是大怖終走歸
行作誓書勝家通勝皆被僧服來謝其罪信長謂通勝曰是吾之
罪已吾前背德忤諫使平手自殺汝自今代平手匡我乃遣守那

古屋如故信行仍不悛城龍泉寺欲與岩倉兵合略取東郡令其將都築藏人招聚兵士勝家數諫信行疏斥之永祿元年正月信行饗諸將士不及勝家勝家怒夜來清洲告信行反信長乃稱疾使村井貞勝告六角氏欲讓家於信行六角氏悅告信行信行即至將入信長臥內信長豫伏力士三人斬之不成信行走出池田信輝要擊於廊下斃之二年四月齋藤秀龍欲廢長子義龍立少子某義龍誘殺少子與秀龍鬪遂弑之信長將兵援秀龍不及還義龍躡之信長自殿而退會岩倉城主遙援義龍以兵三千軍丹原野時我見兵塵入十三騎乃驅清洲市人伐竹爲槍列於軍後敵以爲大兵來也乃退去七月信長與犬山城主織田信清合兵三千攻岩倉岩倉兵出戰於浮野信長令弓銃手橫擊走之追至城下而返信長南行信清北行城兵視信清兵寡也出尾之信長返援夾擊大破之遂圍城三月拔之於是帝崩年六十二在位三十一年

明史日本傳於三十六年十月初抵舟山之岑港將吏以爲入寇也陳兵備直乃遣王激入見宗憲謂我以好來何故陳兵待我激卽毛海峯直養子也宗憲慰勞甚至指心誓無他俄善妙等見副將盧鏜於舟山鏜令擒直以獻宗憲蓋遣宗憲弟直瀨中貴甫爲不信曰果爾可遣激出吾當入見宗憲蓋遣宗憲弟直瀨中貴甫爲質卽命指揮夏正往直以爲信遂與宗滿清溪偕來宗憲大喜禮接之甚厚令謁巡按御史王本固於杭州本固以屬吏激等聞大恨支解夏正焚舟登山據岑港堅守逾年新倭大至屢寇浙東三郡其在岑港者徐移之柯梅造新舟出海宗憲不之追十一月賊揚帆南去泊泉州之浯嶼掠同安惠安南安諸縣攻福甯州破福

安甯德

籌海圖編嘉靖三十六年二月賊犯營前沙同知熊桴提兵守崇明縣聞警卽馳擊之賊乘風夜遁四月賊攻海門縣應襲百戶俞憲章死之五月賊犯揚州府總兵盧鏜等大敗之賊入海子內爲東兵所敗至灣頭鏜等復擊敗之斬首一百七十餘級賊入寶應縣先是揚州東關及瓜州俱有城堡賊至揚州不得掠乃從高郵

至寶應縣寶應素無城焚掠殆盡賊犯天長縣都指揮田沃把總岳君寵禦戰死之六月副使于德昌參將王元伯劉顯擊泗州賊破之時賊掠泗州爲官兵所敗德昌等會擊之顯身先士卒殺紅衣賊首一人羣倭大亂元伯督兵乘之賊大潰敗追及於舟所水兵復自下應之賊死者無算賊遁出海總兵劉顯敗之於安東千戶汪時中敗賊於廟灣匣子港賊潛遁是年四月浙江賊犯定海關賊舟漂至沈家門副使王詢總兵俞大猷令把總張四維誘降賊五十三人至定海關適別艘賊殺俞憲章恐其中變悉斬之而移兵擊新至者賊敗宵遁十一月賊首汪直款定海關要互市胡宗憲誘擒之汪直擁倭稱降志在互市總督胡宗憲檄總兵盧鏜駐中中所授以成算必欲生致之鏜殫心竭力撫循備至直猶豫未決計無所出宗憲復遣生員方大忠往說之且曰德朝恩未肯啟鑰朝恩曰若是是益疑賊也不若以禮諭之以誠招之保無他虞鏜從之朝恩等馳至賊所直見皆單騎伏迎道左大忠反覆開諭直曰公等皆督府親信輕身臨辱直小人也敢不惟命遂聽大忠計見鏜於城中誘致定海而執之夏正以此不得還是年三月福建賊犯省城賊於舊臘自連江洪登陸就據爲巢至是復自流江至小礮水寨遂犯省城沿城焚掠擄去戰艦二十有奇又焚燬四十餘艘十月賊攻連江縣官兵擊退之賊乃宵遁先是北焚灣原屯倭寇進無所掠乃遁出洋遇新至賊船遂會艘進攻連江官兵以矢石殲其精悍者四人明日分門四進又擊敗之乃夜遁如拱嶼澳出洋

謝顯紀擒獲汪直云汪直者歛人也少落魄有任俠氣及壯多智

略善施與以故人宗信之一時惡少若葉宗滿徐惟學謝和方廷助等皆樂與之遊間嘗相與謀曰中國法度森嚴動輒觸禁孰與海外乎逍遙哉直因問其母汪媼曰生兒時有異兆否汪媼曰生汝之夕夢大星入懷傍有義冠者詫曰此弧矢星也已而大雪草木皆冰直獨心喜曰天星入懷非凡胎草木冰者兵象也天將命我以武勝乎於是遂起邪謀嘉靖十九年時海禁尙弛直與葉宗滿等之廣東造巨艦攜帶硝黃絲綿等違禁物抵日本暹羅西洋等國往來互市者五六年致富不資島人大信服之稱爲五峯船主則又招聚亡命若徐海陳東葉明等爲之將領傾貲句引倭酋門多郎次郎四助四郎等爲之部落又有從子王汝賢義子王激爲之腹心會五島寇爲亂直有宿憾於寇欲藉手以報及以威攝諸島乃請於海防將官而勦之無子遺者而聲言直力本朝以要重賞將官餽米百石直以爲薄大詬投之海中從此怨中國頻入內地侵盜直又嘗以扁舟泊列表參將俞大猷驅舟師數千圍之直以火箭突圍去怨中國益深且眇官軍易與也乃更造巨艦聯舫方一百二十步容二千人木爲城爲樓櫓四門其上可馳馬往來據居薩摩州之松浦津僭號曰京自稱曰徽王部署官屬咸有名號控制要害而三十六島之夷皆其指使時遣夷漢兵十餘道流劫濱海郡縣延袤數千里咸遭荼毒而福清黃巖昌國臨山崇德桐鄉諸城皆爲攻墮焚燔廬舍擄掠女子財帛以鉅萬計吏民死鋒鏑填溝壑者亦且數十萬計比年如是官軍莫敢攖其鋒直爲計狡譎每殘破處必詭云某島寇所爲也故東南雖知汪直之叛而不知受禍之慘皆由直者獨總督胡公宗憲前按兩浙時見賊進退縱橫皆按兵法知必有主遣無疑先是間使徽州收其

母妻及子於金華府獄中至是出之豐衣食潔第宅奉之以爲餌而疏請以移諭日本禁戢部夷爲名其實注意伺察汪直也上從之公乃遣甯波生員蔣洲陳可願假市舶提舉名色充正副使以往瀕行公以密計授洲等曰汪直越在口外難與角勝於舟楫之間要須誘而出之使虎失負嵎之勢乃可成擒耳又曰汪直南面稱孤身不履戰陣而時遣偏裨雜種侵軼我邊圉是直常操其逸而以勞疲中國也要須宣布皇靈以攜其黨使窮髮皆知向化則賊之勢自不能容然後導之滅賊立功以保親屬此上策也洲等領計敬諾而行居無何倭酋董二被擒訊道直事甚悉與公所料不爽毫髮中外始曉然知狀於是上以公灼見禍本降璽書褒勞而閩外之事一以委公公得旨規羅益密御史金淵陶承學交章請立賞格有能正設奇謀生擒汪直者封伯爵予萬金部議從之詔曰可嘉靖三十四年十一月洲等至五島遇王激道以移諭事激曰無爲見國王也此間有徽王者島人所宗令渠傳諭足矣見國王無益也明日直出客館見洲等椎髻左衽旌旗服色擬王者左右簇擁洲等心動坐論鄉曲設酒食相對情款方洽洲等曰總督公遣洲等敬勞足下風波無恙直避席曰直海介逋臣總督公不曳尺纏牽而鞠之而遠勞訊使死罪死罪洲等曰總督公言足下稱雄海曲志亦偉矣而公爲盜賊之行何也直曰總督公之聽誤矣直爲國家驅盜非爲盜者也洲等曰是何言欺足下招聚亡命糾合倭寇殺人剽貨坐分鹵獲而爲之辭曰我非爲盜者是何異於昏夜操呂以臨人之池執之則曰我非盜魚者爲君護魚者也雖三尺童子知其必不然矣直語塞洲等曰總督公統領官軍十萬益以鎮溪麻寮大刺土兵數萬朦朧雲屯戈矛雨注水陸戒

嚴號令齊一而欲以區區小島與之抗衡是何異於騁螳臂以當車轍也又曰總督公推心置腹任人不疑拔足下壽母令妻於獄中館穀甚厚則公之心事可知矣何不乘機立功以自贖保全妻孥此轉禍爲福之上策也直默然而罷乃挾洲等巡數小島而還而從此風聞外裔隨其頤指者頗小變而叛買倚直爲淵藪者多有離心直始不安於彼矣初直聞母妻爲戮心甚忿欲犯金華及聞洲等言無恙又竊自喜於是始有渡海之謀日夜集所親信者計之謝和等曰今日之舉未可冒昧以往也當遣我至親爲彼所素信者先往宣力以堅其心待彼不疑然後全師繼進始可以逞直笑曰妙算也遂託宣諭別國爲名畱蔣洲在島令葉宗滿王汝賢王激同陳可願回至甯波詰之皆云宣諭未至時徐海陳東已擁薩摩洲倭過洋入寇矣今汪直歸順先遣葉宗滿等設劫成功之後他無所望惟願進貢開市而已公得報已揣知其言如從所請疏奏上許之公喜曰寇在掌中矣先是海中倭寇敗沒有零寇百餘據舟山爲亂公遣葉家滿協助官軍剿之盡殲焉公疏上功次犒賞有差王激笑曰此何足賞若吾父至當取金印如斗大嘉靖三十五年徐海等果擁眾十餘萬寇松江嘉興諸郡甚急督直欲下杭城取金陵勢張甚公乃謀之王激等以觀其意激等初欲小試慙慙故甘心於舟山之寇至於徐海陳東等正其所倚以圖大事者且欲速直來其濟乃辭曰是非吾所能辦須吾父來乃可耳遂畱夏正童華邵岳輔王汝賢在軍門自以招直爲名與葉宗滿開洋去是年徐海陳東葉明等以次就擒總督宗憲胡公恐形跡彰露委心畱用王汝賢等撫摩若親子然葉宗滿兄弟並加禮遇時時對將吏士民曰汪直非反賊顧崛強不一見我見我

當有處也直聞公意指謂公誠樸可欺欲乘機以全親屬且未知徐海等敗沒以爲縱不如所料亦可與之應援得志而去遂決策渡海先遣蔣洲次遣王激葉宗滿等率銳卒千餘人執無印表文詐稱豐洲王入貢先泊岑港據形勝分布已定直乃與謝和等慷慨登舟醜酒誓眾曰俞大猷昔嘗破我於列表泊時須謹備之公當道未至時已有傳報俞大猷於金山面以總兵盧鏜代之盧鏜者舊與王激等從軍由同飲食撫循倭人備至直坦然不疑惟具駁卒倭備兵刃俟直不爲開市計且索母妻子弟求官計已定仍始列狀以安其心上已知直爲金魚智計已定仍始列狀以安其心上已知直爲金魚智

埋伏數市水陸要害星羅棋列魚鳥莫度乃以夏正等爲死間諜

直曰汝欲保全家屬開市求官可以不降而得之乎帶甲陳兵而

稱降又誰信汝汝有大兵於此卽往見軍門敢畱汝耶況死生有

命當死戰亦死降亦死耳死戰不若死降降且萬有一生焉

直拂然不悅而公與其所親信王激葉宗滿先遣來見者連牀臥

因佯露諸將請戰書十餘篇於几案閒王激等竊視驚怖夜半公

作醉夢中語云吾欲活汝故禁諸將不進兵汝不來休怨我也含

胡其辭吐滿牀王激等漏之於直直始疑之公又使直子澄嚙指

血寓直書云軍門數年來恩養我輩惟願汝一見使軍門有辭於

朝廷卽許眷屬相聚汝來軍門決不畱汝藉令不來能保必勝乎

空害一家人耳又使生員方大忠往來游說直猶豫未決公以直

執戀岑港已踰五旬察其心神終屬觀望乃開關揚帆示欲進兵

直探知四面兵威甚盛終無脫計且知徐海陳東葉明等敗沒孤
立無援因歎曰昔漢高祖見項羽鴻門當王者不死縱胡公誘我
其柰我何乃曰部兵無統欲得王激攝之公知海上諸賊惟直多
智習兵久雄異域得人心爲難制其餘皆鼠子輩無足慮諸將亦
云以大易虎不可失也遂遣激往直乃桀然入定海關詣軍門謁
見公時嘉靖三十六年十一月也公就命軍吏執之押付按察司
獄乃集三司諸大夫參議曰汪直始以射利之心違明禁而下海
繼忘中國之義入番國以爲奸勾引倭寇比年攻劫海宇震動東
南繹騷雖稱悔禍以來降仍欲挾倭而求市上有干乎國禁下貽
毒於生靈惡貫滔天神人共怒問擬斬罪猶有餘辜公具疏上請
得旨斬直於市梟示海濱妻子給功臣之家爲奴王汝賢葉宗滿
俱從末減邊遠充軍王激出洋爲颶風所覆其餘從賊魚散島驚
奔聚山谷公親督官兵掃除黨與皆絕嘉靖三十九年二月兵部
始以封賞之議上請詔曰大憝旣除海氛已靖部議報謝徐徐可
也胡宗憲可太子太保都察院左都御史兼兵部左侍郎廕一子
錦衣衛副千戶其餘有功者陞賞有差

日本源流考卷十五終

三三三

三三三

